

XV.4.2. Y.4. 14-30.6:13.





DECLARA-

TION FAICTE PAR Monsieur le Prince de Condé, pour monstrer les raisons qui l'ont contrain et d'entreprendre la defense de l'authorité du Roy, du gouvernement de la Royne, & du repos de ce Royaume.

Auec la Protestation sur ce requise.





M. D. LXIIII.

A. R. A. A. D. S. D.

Control of the control of the

STANDON AS " NATIONAL



411 134 E B. A.

DECLARATION

FAICTE PAR MONSIEVR

le Prince de Condé, pour monstrer les raisons qui l'ont cotrainet d'entreprendre la defense de l'authorité du Roy, du gouvernement de la Royne, & du repos de ce Royaume.

Auec la Protestation sur ce requise.



OMBIEN que ce soit à ceux qui s'arment les premierspar leur authorité priuce, de rendre raison de leur faict, siest-ce que Monsieur le Prince de Condé,

considerant combien la presente emotion, à cause de plusieurs circonstances, est subiecte à beaucoup de diuers iugemens, auec ce que l'interest public requiert vn certain & prompt remede : a bien voulu, pour
preuenir toutes calomnies, declarer ainsi
que s'ensuit, les raisons qui l'ont esmeu de
s'accompagner de ses parens, amis & seruiteurs, pour faire seruice au Roy, à la Royne,
& à tout ce royaume en leur grand besoin.

Chacun fait, qu'apres les grans troubles aduenus pour le faict de la Religió, defquels il est tour notoire que plusieurs, en abusant de la bonté naturelle de nos Rois, se sont servis pour sonder & entretenir leur grandeur: finalement au mois de lanuier dernier a esté dressé vn Edict par sa Maiesté, pour reigler les deux parties, auec l'aduis de la plus notable & mieux choisie assemblee que le Roy ait peu essire en tous ses Parlemens.

Cest Edict, ayant esté tost apres publié en la plus part des Parlemens de ce royaume, donnoit vn fort grand espoir de repos, comme l'esfect l'a monstré. Et ne faut douter, que si le Parlement de Paris n'eust vsé de telle longueur, la tranquillité eust esté & fust encores auiourd'huy trop plus grande

que lon ne la voit.

L'empeschement de ceste publication a engendré, à bonne & iuste cause, plusieurs souspeçons que cela ne se faisoit sans grandes pratiques, qui tendoyent plus loin. Ce qui estoit confermé par les allees, venues & menees du Prevost des marchans de Paris: auce les partialitez que chacun sauoit estre entre les Presidens & Conseillers de ladicte Cour. Ioinet que nul n'ignoroit come le Conestable solicité de quelques marchans trop partiaux, les auoit emplis de certaine esperance, que ceste ordonnance tou-

chant la Religion n'auroit point de dutee. Toutesfois cela n'a aucunement esmeu ledit seigneur Prince, ni autres des Eglises resormees, à dire ou faire chose qui troublast le pablic repos de ce toyaume. Ainçois au milieu d'infinies violences & outrages, dont iamais ils n'ont peu auoir iustice, ils ont attendu l'issue de la publication, auec la plus grade modestie & patience qu'ils ont peu.

Ceste publication estant faite à Paris auec tresgrade importunité, & plustost à la priere qu'au commandement du Roy & de la Royne, ledict seigneur Prince, apres vne grieue maladie print congé du Roy & de la Royne, en esperance de se reposer quel-

que temps en sa maison.

Sur ces entrefaites furent apportees les nouvelles du cruel & hortible carnage cómis à Vassy en la presence & compagnie de monsieur de Guyse: là où ont esté tresinhumainement occis plusieurs des subiects du Roy, tant hommes que femmes & enfans, qui s'estoyent assemblez sans armes, à leur manière accoustumee, pour ouir la predication, & prier Dieu, suivant la Religion & pure parole de Dieu: q'eledict seigneur Prince maintient auec eux, & espere maintenir insques à la mort, par tous moyens licites.

A.iii.

Ceste cruauté ainsi rapportee à Paris, esmeut diuersement l'vne & l'autre des parties: de sorte qu'il y auoit dés lors fort grande apparence que quelque grand mal en pourroit aduenir: estant le bruit espadu que ledit sieur de Guyse venoit en armes & en grande compagnie, auec deliberation d'exterminer toutes les Eglises qu'ils appellent de la nouuelle Religió : lesquelles aussi de leur part, en consideration que l'Edict du Roy sembloit ne les pouuoir maintenir cotre la violence & fureur de leurs ennemis, se tenoyét sur leurs gardes: apres auoir enuoyé à la Royne certains personnages de toutes qualitez, pour luy demander iustice des meurtres perpetrez audit lieu de Vassy. Cela fut cause que ledit seigneur Prince, estant pour lors à la bone heure arriué à Paris, pour aller à sa maison, & desirant remedier aux inconueniens qui menaçoyent la ville de Paris, s'en alla au commandement de la Royne trouuer le Roy & elle à Monceaux:où il leur dist ce qu'il craignoit, & les aduertit que pour euiter les troubles, il seroit bon que ledit sieur de Guyse, qu'on disoit venit à grande puissance, & à main armee (contreuenant aux ordonnances du Roy) pour le moins ne passast par la ville de Paris. Et fut ce conseil trouué bon par la

Royne & par le Roy de Nauarre.

Or esperoit ledit seigneur Prince que ledit sieur de Guyse obeiroit au commandement de la Royne : qu'il ne passeroit à Paris,& qu'il viendroit trouuer le Roy & elle à Moceaux. Car ladicte Dame luy en auoit escrit expressement, & l'auoit prié d'y venir: monstrant l'enuie qu'elle auoit de le veoir & de le festoyer en sa maison. Mais il aduint tout le contraire. Car la response qu'il fit à vne des lettres, contenoit qu'il ne pouuoit aller vers elle, pource qu'il estoit empesché à festoyer ses amis qui l'estoyent venus voir. De l'autre lettre ne tint-il conte, & ne fit aucune response: ains apres auoir receu ses amis, il aima mieux prendre le chemin de Parls, qui estoit trop plus loin de luy, q d'aller trouuer le Roy & la Royne, qui estoyent plus pres. Et accompagné du Conestable, Duc d'Aumale, Mareschal de sainct André, & autres de leur estroit conseil, feit son entree en ladicte ville en armes descounertes. Et ne faut point qu'il s'excuse d'auoir pris les armes, & fait vn tel amas, pour crainte qu'il eust de ceux des Eglises reformees, qu'ils appellent Huguenots. Car on sait assez en quel equipage estoyent ceux qui executerent la cruauté de Vasfy, & come ceux q depuis se sont ioincts

A.iiii.

auec luy, s'estoyent long temps au parauant assemblez & munis de toutes sortes d'armes: voire iusques à ce poinct, que mesmes le Preuost des marchans de Paris, contre toute coustume, l'est allé recueillir auec grande compagnie, & a esté faiche ceste entree auec grande acclamation de gens atiltez, comme si le Roy mesme y sost entré en personne: sans que ledict sieur de Guyse, ni autres de sa compagnie monstrassent que

cela leur despleust aucunement.

Estant ledict seigneur Prince reuenu de Monceaux le iour precedent (comme dit a esté) en certaine deliberation de poursuiure son voyage en sa maison, & soudainement aduerti de la venue dudict sieur de Guyse auec telle compagnie & main armee : se delibera, comme Prince du sang, & à qui appartient de droit naturel, de defendre les subiects du Roy contre ceux qui voudroyent les opprimer par force & violence : & aduisa de demourer audit lieu; & y seiourner auec ceux qui pour lors se trouuerent aupres de luy : en se tenant bien asseuré que sa presence empescheroit qu'il n'y cust aucun trouble, & que le populaire de Paris (qui ia commençoit à s'enfler d'vne folle esperance, pour la venue dudit sieur de Guyse) n'oseroit executer ni

commencer vne folle entreprife. Et de faict, on ne peut nier, que durant son seiour ladicte ville n'ait esté en grand repos & trăquillité, & que pour le moins ceux qui auoyent mauuaise volonté, n'oscrent la descouurir.

Si est-ce que ladicte venue & autres facons de faire les ont assez incitez à s'esmouvoir. Car depuis que les susdicts furent arriuez, ils tindrent tous les iours coseil, faisans venir vers eux les gens du Roy, presidens, conseillers, & officiers de la ville: faisans entendre que c'estoit le vray conseil du Roy, veu qu'il estoit tenu par les principaux officiers de ce royaume. Or ne pouvoit ce conseil estre autre que suspect audict seigneur Prince & autres grans personnages gens d'honneur & de qualité. Car outre ce qu'il ne pouvoit comprendre qu'il fust besoin ni licite de faire vn coseil à part & separé de celuy qui estoit pres du Roy & de la Royne, il ne pouvoit aussi trouver bon que cela se fist en sa presence, sans luy en rien communiquer. Et ce d'autant plus qu'on voyoit à l'œil que ce n'estoit que la continuation d'vne menee qui auoit esté commencee long téps au parauant. Bref, il ne pouuoit attédre dudict conseil que tresmauuais effects & preiudiciables à l'authorité du Roy & de la Royne, & au repos public, auquel estoit

pour lors tout le royaume. Car il se tenoit certain, que si audict conseil on n'eust prins des deliberations contraires à l'authorité du Roy, & gouvernement de la Royne, ils ne se fussent departis d'elle pour consulter ailleurs en son absence, & sans advertir ni elle ni autres du coseil du Roy. A ceste opinion condescendoit-il d'autant plus facilement, que ceux dudict conseil estoyent mal-contens de ladicte Dame. Car quat audict sieur de Guyse, à son departement de la Cour il n'auoit celé son mescontentement, lequel il auoit depuis augmenté, à cause des procedures faites contre monsieur de Nemours: en se donnant à entendre qu'il y avoit esté meslé. Et quant au Conestable, il estoit en peu de temps par deux fois parti de la Cour: & à la derniere entra en telle contestation de paroles auec la Royne, que cela doit seruir d'vn perpetuel tesmoignage du peu de respect, honneur & reuerence qu'il porte à ladicte Dame. Et de faict, il en a depuis monstré bonnes enseignes. Car venat à Paris auec tout l'arriere-ban de ses amis & seruiteurs, il rencontra pres sainct Denys le Roy & la Royne, qui alloyent à Moceaux. Et sans les saluer, passa aussi irreueremment que s'il eust donné à trauers vne troupe de gés de village: combien que le sieur de Sansac l'aduertist des'arrester, luy disant, Voyla le Roy & la Royne. Et sinalement, quant au Mareschal de sainct André, il ne peut nier qu'vn peu auparauant, non content d'auoir resusé d'aller à son gouvernement, il s'attacha à la Royne en plein conseil, avec contenance & paroles, si peu couenables, qu'il sit bien cognosstre à la compagnie qu'il setenoir asseude d'ailleurs, pour plus ne luy rendre obesssance.

De ce conseil donc tenu à Paris par gens mal contens, & separé du conseil priué du Roy, & qui se faisoit sans en communiquer à autre qu'à ceux de leur intelligéce, & auec les armes en la main, ledict seigneur Prince ne pouuoit attendre qu'vne tresmauuaise & dangereuse issue. Outre ce que dessus, ledict sieur de Guyse, dés le commencement de sa venue à Paris, au lieu d'aller à la Cour, a employé tous amis & tous moyes pour retenir la Royne à Fontainebelleau, de peur qu'elle n'allast à Orleans. Toutesfois ayant obtenu ce qu'il auoit tresinstamment requis, n'a pourrant bougé de Paris. Qui monstre affez que son dessein n'estoit que d'auoir la personne du Roy & la ville de Paris tout ensemble à son commandement. Ce qui ne se pouuoit faire, si le Roy se fust esloigné:estat ledict sieur de Guyse cotraint par ce moyen

de quitter l'vn des deux, ou bien de perdre l'vn & l'autre, en escartant ses forces. Mais le meilleur est, que pour demourer à Paris, il s'est aidé d'vne nouvelle excuse, disant que ledict seigneur Prince y estoit aussi accompagné de grad nombre de gentilshommes, & que ladicte ville craignant d'estre saccagee, l'auoit prié d'y demourer pour la defendre. En quoy faisant, ledict seigneur Prince a esté tacitement & contre verité taxé d'vno intention par trop vilaine & dangereuse. Mais le contraire s'est tantost declaré. Car ledict seigneur Prince, pour luy oster tout pretexte, & pour faire entédre qu'il n'auoit rien si cher que le repos de ce royaume, offrit incontinent à monsieur le Cardinal de Bourbon son frere, & gouverneur de Paris, de sortir par vne porte quand ledict sieur de Guyse sortiroit par l'autre. Et depuis, estant aduerti que la Royne desiroit qu'on se departist d'vn costé & d'autre, & que pour cest effect le Roy de Nauarre estoit arriué en ladicte ville de Paris, il fut si propt & volontaire à obeir à ce commandement (encores qu'il eust esté malade au lict par l'espace de deux iours) qu'il se retira promptemet auec toute sa compagnie, tirant droit à sa maison de la Ferté. Duquel lieu il esperoit renuoyer incontinent tous les siens, si ledict sieur de Guyse cust fait le semblable, & luy en cust monstré le chemin selon son deuoir.

Ledict sieur de Guyse tout au rebours, monstrant par effect auec les siens, que par le departement volontaire dudict seigneur Prince il estoit paruenu à ce qu'il pretédoit, est allé trouuer nostre ieune Roy & la Royne sa mere auec main armee, comme en temps de guerre, & cotre ses plus grans ennemis: chose non accoustumee, & nullemet receuable, veu le bas aage du Roy: & que la Royne sa mere, encores qu'elle soit douce d'vne singuliere vertu & constance, ne peut toutesfois faillir d'estre intimidee, se voyant enuironnee de telles forces, cotre sa volonté & commandement expres. Et de cela peuuent faire suffisante preuue les larmes que nostre Roy a iettees de ses yeux, & les propos qu'il tint à la Royne sa mere, estant forcé de se laisser mener à Melun ces iours passez. Dequoy il plaira se souuenir à ceux qui y estoyent presens. Parquoy vne telle venue dudict sieur de Guyse , Conestable & Mareschal sainct André en armes descoupertes, auec saisissement des personnes du Roy, de la Royne mere, & de mosseur d'Orleans, en contoignant auec cela toutes les choses dessusdictes, ne peuvent ni doivent estre estimees qu'vne captiuité d'iceux, la plus

dommageable, miserable & honteuse que iamais aduint en ce royaume. Et sur ce poinct il plaira à la Royne se ramenteuoir l'aduertissement à elle fait tant par vn certain Portugais, que par vn autre venu d'Espagne, & par vn tiers enuoyé de Sauoye, touchant les choses qu'elle experimente auiourd'huy, au grad & extreme regret de ses tresobeissans suiets & serviteurs.

Et pource que ledict sieur de Guyse, comme grand Maistre & grand Chambelan, auec le Conestable & Mareschal sain& André, font bouclier des estats & charges qu'ils tiennent en ce royaume, disans qu'à eux appartient de prédre les armes toutes & quantesfois qu'ils iugent que la necessité le requiert : ioinct aussi que pour cest effect ils abusent de l'authorité du Roy de Nauarre, & tels autres moyens qu'ils ont de long temps pratiquez:

A ces causes ledict seigneur Prince declare que les dessusdicts ne sauroyet mieux monstrer combien ils se sont esloignez du. deuoir qu'ils ont à maintenir l'authorité du Roy & de la Royne sa mere. Car en premier lieu il faudroit que l'authorité de la Royne eust precedé, attendu qu'à elle appartient le gouvernement de ce royaume, par l'accord des Princes du sang, adueu des

Estats, & consentement des Parlemens. Or est-il ainsi que iamais tel faict, duquel vne guerre ciuile depend, n'a esté preallablemét communiqué à la Royne ni à son conseil: mais, qui plus est, quand elle en a veu les coniectures, elle a expressémét declaré tousiours combien telles choses luy estoyet desagreables. Il faut donc que les dessusdicts mostrent qu'ils sont en ce royaume par desfus la Royne, voire par dessus le Roy mesme (veu que les Rois n'ont iamais accoustumé de faire guerre sans communication de leur conseil) ou bien il faut qu'ils recognoissent qu'à grand tort ils tournent contre le fils, l'authorité en laquelle ils ont esté esseuez par les feux Rois son ayeul & pere: & abusent de la charge qui leur a esté baillee pour s'employer, non point à leur appetit, mais felon qu'il leur seroit commandé:non point pour forcer le Roy, mais pour le seruir: non point pour troubler son royaume, en transgressant les Edicts, mais pour aider à le conseruer & maintenir en repos & tranquillité. Et n'est pas temps d'alleguer, que depuis leur arriuee à la Cour ils ont communiqué & arresté de cest affaire auec la Royne. Car il faut considerer que ce n'est pas de maintenant qu'ils ont pris les armes, ains qu'ils ont commencé ceste guerre

deslors ledict sieur de Guyse, au partir de leinuille se trouua en la cruauté executee à Vassy: & que depuis ils ont tousiours perseueré, iusques à prendre l'authorité de faire armer & venir des compagnies d'hommes d'armes (comme en pleine guerre) dessors qu'ils estoyent en armes à Paris, cotre la volonté & declaration de la Royne. Que s'ils veulent maintenat se fortifier de l'authorité du Roy & de la Royne & du conseil, ou de quelque Parlemet, pour ratifier ce qu'ils ont fait au parauant, & coulorer ce que maintenant ils entreprennent à la ruine de tout le royaume:encores en cela declarét-ils mieux que tout iuste fondement leur defaut : veu qu'ils tiennent notoirement en captiuité la volonté de la Royne, & n'y a nulle liberté d'opiner au conseil, auquel ils gouvernent tout auec armes & manifestes violences, apres en auoir forclos ceux qui sont des principaux d'iceluy. Finalement, pour couper chemin à toutes telles friuoles allegations, & afin que sous fideles & loyaux suiets, seruiteurs, alliez, & confederez de ce royaume entédent laquelle des deux parties est coulpable: ledict seigneur Prince afferme ce qui s'ensuit, & que nul ne peut ignoter, C'est à suoir, qu'au parauant la venue dudict sieur de Guyse les choses estoyent tellement reiglees

glees & composees par l'Edict du mois de lauier, que desia les troubles suruenus pour la Religion estoyent appaisez pour la plus part. Et quat à ceux qui restoyent,il se trouuera qu'ils n'estoyent tels qu'il en falust esmouuoir vne guerre ciuile. Et, qui plus est, se prouuera qu'ils ne procedoyent d'ailleurs, sinon de ce que certains Iuges & Magistrats, tant de Paris que d'ailleurs, s'attendans à ce qui s'est maintenant descouvert, ne chastioyent les seditieux selon le contenu de l'Edict. De sorte qu'il a falu qu'en Prouéce monsieur de Cursol, pour chastier quelques rebelles, ait esté secouru de gens & d'argent par ceux des Eglises reformees: monstras assez par ce deuoir cobien ils sont esloignez de toute sedition, & affectionnez à maintenir l'authorité de leur Roy.

Dauantage, ledict seigneur Prince desire que chacun soit aduerti des entreprises qu'il est tressacile de coniecturer que les dessuré dicts pretendent executer, asin que si elles sont mises en essect par eux, nul ne puisse douter qu'ils ne pourchassent la ruine du Roy & de sa couronne. Et que d'autre part aussi, s'ils sont autres, qu'ils le monstrent par essect, en s'abstenat de telles choses par trop dommageables à tout l'estat de ce royaume. C'est, qu'en ayant enuironné de leurs

13.1

armes, & puis pourmené le Roy, la Royne & monsieur d'Orleans, à Melun, à Paris, au bois de Vincennes, à sainct Denis, & par tout où bon leur a semblé, & luy ayant fait faire des entrees non accoustumees, & coniointes auec diminution de la grandeur du Roy, infques vers les nations estrangeres (& le tout pour cuider abolit la cognoissance de l'indigne captiuité en laquelle ils detiennent la Maiesté) tous leurs desseins tendent à se seruir de leur nom & authorité contre ledict feigneur Prince, & contre tous autres qui resistent à leurs entreprises, & les declarer coulpables de ce qu'eux-mesmes ont desia executé en partie: & dont ledict seigneur Prince ne doit prendre la peine de s'excuser, veu que l'experience monstre que tout le temps de sa vie il a mesprise ce qu'ont cerché & pourchasse ceux qui ne peuvent iamais avoir affez de richesses & d'honeurs, encores qu'ils soyét creus si tost en telle gradeut, qu'il n'y a nul qui ne iuge, auec tous les Estats de ce royaume, qu'il est beaucoup plus raisonnable de leur demader raison de leur faict, qu'il ne leur seroit aisé de la rédre. Que si les dessusdicts le sentent nets en cest endroit, ils feront trop mieux de le monftret, suivant la requisition que les Estats en ont faite, que de troubler le ciel & la terre.

Puis quant au faict de la Religion, d'autant que les dessussais donneroyent volontiers à entendre que ce n'est pas ce qui les meine, & que ledict seigneur Prince poursuit quelques querelles particulieres : ledict seigneur Prince au contraire, afin que personne ne soit trompé, declare à vn chacun que l'vne de leurs intentions principales est d'exterminer entieremet la Religion qu'ils appellent nouvelle, soit par manifeste force & violences, soit par changement d'Edices, & renouvellement des plus cruelles persecutions qui iamais ayent esté exercees au monde. Et s'ils nient qu'ainsi soit, la veuë en descouurira le faict. Er faut, pour le moins, que le Conestable rende compte des meurtres, brigandages, voleries, emprisonnemens tortionnaires, bruslemés & rasemés de maifons, faits & executez à Paris depuis huit iours en ça, sinon en tout ou en partie, pour le moins à son veu & sceu, & (qui plus est) par son comandement & prince authorité. Desquels outrages & cruautez trop barbares & directement contraires à la volonté & ordonnance du Roy & de la Royne fa mere, ledict seigneur Prince espere obtenir quelque iour iustice: & à qui à faute des homes, Dieu en fera condigne vengeance.

L'occasion de ces conseils & entreprises,

desquelles on ne peut attédre que tout mal, est toute euidente. Car tels personnages monstrent assez qu'ils ne pretendent qu'à disposer tout le royaume à leur plaisir. Et pourtant n'ont-ils peu endurer que la Royne gouvernast sans force ni violence, contenant vn chacun en paix, & mettant bon ordre à ce que le Roy fust acquité. Et pourtat ont-ils pratiqué longuement ce conseil, dot il ne peut aduenir qu'vne subuersion d'Estar, mescontement vniuetsel, desespoir des poures serviteurs, divisions de la noblesse de ce royaume, auec telle inimitié, que long temps apres les vns essayeront de se venger des autres. Car voila les fruicts de ce conseil tenu par les sages testes de ce royaume, comme ils se disent. Et pourtant, preuoyans qu'vn chacun les remarquera par ci apres comme autheurs de la calamité publique, & voulans se servir de quelque couverture, ils publient que leur intétion n'est que de coleruer la religion Catholique Romaine. Et quand on leur demande à qui ils s'en prennent, & dequoy ils se veulent plaindre, ils ne scauent que respondre à propos. Car (graces à Dieu)il n'y a auiourd'huy homme en ce royaume qui voulust entreprendre d'empescher les Ecclesiastiques en leur estat. Et se contentent ceux de l'Eglise reformes

de viure sous l'obeissance & protection du Roy, selon le dernier Edict de lanuier: encores que par iceluy ils soyent deiettez des villes, comme gens pestiferez. Que s'il se trouue quelques rebelles ou seditieux (comme il n'est possible de bien retenir tous les hommes en leur deuoir) tat s'en faut qu'ils les veulent soustenir, qu'au cotraire ils presentent toute faueur & assistance à la iustice du Roy . Mais les dessusches ne se contentas de cela, & (qui plus est) faisans beaucoup pis que ceux qu'ils reprenent (comme il appert par le massacre de Vassy, & autres inuasiós toutes publiques & ordinaires) pretendent notoffemet à exterminer tous ceux de la Religion reformec : commençans par les chefs & personnes plus notables, comme leur naturel est de se prédre plussost aux riches qu'aux poures. Et pourtant, leur defaillans autourd'huy les occasios accoustumees des confiscations, il ne faut douter qu'ils ne foyét en queste de quelque nouveau moyé. Et pourueu qu'ils se vengent des vns, & qu'ils attrapent ceux qui par miracle leur sont eschappez des mains durat leur regne, ils ne se soucient de voir nostre ieune Roy en necessité, & ses poures suiets consumez: ne faisans difficulté de comencer vne guerre ciuile, en donnant à entendre, que ceux B.iii.

qui veulent (comme ils doluent) contredire à leurs desseins, sont rebelles & ennemis de ce royaume.

PROTESTATION.

מטול ווירה דמונים ביני למיני לייני לייני

Es choses considerces, auec plusieurs autres, que le temps descouurira, ledict seigneur Prince proteste ce que s'ensuit, deuant le Roy & la Royne: & desire aussi que tous les Roys, Princes, Potentats, amis & alliez de ceste Couronne, auec toute la Chrestienté, soyent aduertis du faict tel qu'il est.

- Premierement donc il proteste que ce n'est nulle passion particuliere qui le meine: ains que la seule cosideration de ce qu'il doit à Dieu , auec le deuoir qu'il a particulierement à la Couronne de France, sous le gouvernement de la Royne, & finalement l'affection qu'il porte à ce royaume, le contraignent à cercher tous moyens licites felon Dieu & les hommes, & selon le rang & degré qu'il tiét en ce royaume, pour remettre en pleine liberté la personne du Roy, la Royne, & messieurs ses enfans, & maintenit l'observation des Edicts & ordonnances de sa Maiesté, & nommément le dernier Edict entreuenu sur le faict de la Religion; aucc l'aduis des Princes du sang, seigneurs Acres 18

du cóseil, Presidens & Conseillers des Parlemens de ce royaume: Priant affectueusement tous bons & loyaux suiets de la Maiesté vouloit songneusement peser les choses sussides, a afin de luy prester toute aide, faueur & assissance, en une desense tant bonne, juste & saincte.

Et pour autant que le Roy à l'aduenemét de sa couronne s'est trouvé chargé d'vne infinité de debtes, auec peu de moyés de contenter la moindre partie de ses crediteurs. & que ses bons & fideles suiets ont volontairement accordé vne grande infinité de deniers, tant pour s'aquiter que pour racheter son domaine: & que ceux qui commencent de gayeté de cœur ceste guerre, n'y feront difficulté de mettre la main, & à les employer en aurres vlages qu'ils ne sont destinez. Dequoy le poure peuple aura iuste cau se de se plaindre, luy estant tollue l'esperance que la Royne & le Roy de Nauarreleur ont donnee, qui est de convertir tous les subsides & autre argent qu'on pourroit espargner, à payer ce qui est deu, & recouurer ce qui est aliené, pour puis apres soulager ce royaume, & le remettre en l'estat qu'il estoit du téps du Roy Loys douzieme. A ces causes ledict seigneur Prince proteste contre ceux qui oseront mettre la main à quelque B.iiii.

BIBLUTECA MAZENTO EMANUELE

somme que ce soit des deniets du Roy, lefquels il faudta qu'ils facent bons, quoy qu'il tarde, & en serot comptables. Et de sa part, ne luy ne sa compagnie n'entéd s'aider que de leur bien, sans souler personne ni fatte oppressions ni violence. Proteste aussi que la clameur du poure peuple, quand il se verra oppressé, soit presente deuant Dieu contre ceux qui en sont cause, & qui refusent toutes conditions raisonnables, pour contraindre tant de gens de bien iusques au

dernier poinct.

Et pource aussi que lon sçait bien que le Roy & la Royne sont entironnez d'armes & de personnes qui forcent leurs volontez, & que la plus part de ceux du conseil sont intimidez, tellement qu'il n'y a personne qui ose contredire à ceux qui ne pesent qu'à se venger, & executer ce qu'ils ont de long téps pourpensé: Ledict seigneur Prince proteste & declare dés à present, que comme il ne voudroit ceder à homme viuant en l'obeissance qu'il doit & veut rendre à sa Maiesté, & à la Royne sa mere : aussi ne veut-il pas se laisser mettre le pied sus la gorge, sous pretexte de quelques mandemens, lettres patétes, ou autres despesches des dessusdits, sous le nom & seau de leur Maiesté, iusques à ce que lesdicts Roy & Royne & son legitime conseil soyent en tel lieu & telle liberté qu'il appartient à vn Roy & vne Royne, reuerez, honnorez & vniquement aimez

de tous leurs subiets.

Au furplus, ledit seigneur Prince proteste quant au Roy de Nauarre son frere, qu'auce l'obligation d'amour fraternelle, & le respect particulier qu'il luy doit & veut rendre: il entéd le recognoistre solon le rang & degré qu'il tient en ce royaume, auec toute obeissance apres le Roy & la Royne. Come aussi il s'asseure que ledit Seigneur Roy, considerant ce que dessus, y aura tel esgard que la raison & la presente necessité le requetront. Dont aussi ledit seigneur Prince le supplie treshumblemét & tresinstâment.

Finalement ledit seigneur Prince, auec grande & honorable compagnie des seigneurs Cheualiers de l'ordre, Capitaines, Gentils-hómes, gens de guerre, & plusieurs bons personnages de tous estats, de sauoir, de bien & de vertu, pour monstrer qu'ils parlent en verité, & qu'ils n'ont rien si cher, apres l'honneur de Dieu, que le repos & grandeur du Roy: requierent treshumblement la Royne, que pour la crainte de ceux qui l'enuironnent d'armes, & tout autrement qu'il ne sur iamais veu en ce royaume, elle ne laisse pourtant à iuger libremet,

felon son opinion, laquelle des deux parties aura tort. Er que pour ce faire il ne luy vienne à desplaisir de s'en aller en telle ville de ce royaume qu'il luy plaira, pour de ce lieu là commander par le moindre de sa maison (si elle veut) à toutes les deux parties de se desarmer, & luy rendre l'obeissance telle que doiuent les suiets à leur Roy & souuerain Seigneur, en s'assuietissant les vns & les autres à rendre copte de leur faict selon taison & ordre de iustice. Promettat ledit seigneur Prince que de sa part il obeira à tout ce qui luy sera ainsi commandé, pourueu que les dessusdits luy en monstrent le chemin. Car là où ils voudroyent faire autrement, il mettra tonfiours sa vie & celle de cinquante mil hommes, qui sont de pareille volonte, pour soustenir l'authorité du Roy & de la Royne. Et si ladite Dame n'estoit d'aduis de partir du lieu où elle est, ledit seigneur Prince & autres de sa part la suppliét ereshublement qu'il luy plaise au moins ren uoyer en leurs maisons tous ceux qui la sont venus trouuer auec leurs armes, qu'ils ont prises de leur authorité: C'est assauoir ledit fieur de Guyse & ses freres, quec le Conestable & Mareschal de sainct André. Et encores que ledit seigneur Prince ne soit de ce rang pour estre renuoyé en sa maison (d'au-

tát qu'il a cest honeur d'appartenir au Roy, & estre Prince de son sang) ce neantmoins il offre de s'y retirer volontiers, & faire desarmer toute la compagnie qui est aucc luy, aux conditions que dellus. Y adioustant que le conseil du Roy ne soit doresenauant intimide ne par menaces ne par forces: &, que les Edicts du Roy, & nommément celuy de Ianuier, sur le faict de la Religion, soyét inuiolablement gardez & maintenus, iusques à ce qu'il soit en aage pour en juger luy melmes, & chastier ceux qui auront abulé de son authorité. Et là ou ces conditions ne seroyent acceptees, & qu'en refusant de remettre le Roy & la Royne en leur liberté accoustumee, auec leur conseil, ils continueront d'abuser de leur nom, & fouller leurs suiets: ledit seigneur Prince proteste que de sa part il ne veut, ni ne peut l'endurer : & q de tous les maux, miseres, & calamitez qui en aduiendrot, le tort ne luy pourra iamais estre imputé, mais bié à ceux qui en sont les autheurs & la seule cause. Donné à Orleans le huitieme d'Auril, l'An de nostre Seigneur, Mil cinq cens soixante deux. Ainli ligné,

LOYS DE BOYRBON

2000 CORE

TRAICTE' D'ASSOCIAtion faicte par monseigneur le Prince de
Côdé auec les Princes, Cheualiers de l'ordre, Seigneurs, Capitaines, Gentils-hommes & autres de tous estats, qui sont entrez, ou entreront ci-apres, en ladicte
association, pour maintenir l'honneur de
Dieu, le repos de ce Royaume, & l'estat
& liberté du Roy sous le gouuernement
de la Royne samere.

Pfeau. 139.

Seigneur, n'aurai-ie point en haine tes haineux, & ne debatrai-ie point auec ceux qui s'esseuét contre toy?



o v s foussignez, n'ayas rien en plus grande recommadation apres l'honneur de Dieu que le service de nostre Roy & la conservation de sa cou-

ronne pendant sa minorité, sous le gounernement de la Royne sa mere establie & authorisee par les Estats, voyans l'audace, temerité & ambition d'aucuns des subiccts dudit Seigneur mesprisans sa ieunesse, auoir esté si grande, qu'ils ont bien osé non seulement s'assembler & prendre les armes contre ses Edicts, pour auec icelles mettre à mort vn bon nombre de ses poures suiets, en n'espargnant ni aage ni sexe, sans aucune autre occasion sinon qu'ils estoyent assemblez pour prier & seruir Dieu suiuant la permission des Edicts: mais aussi ne pouuans e-Are retenus par aucunes loix divines ou humaines, auec lesdictes armes se sont saiss de la personne du Roy & de la Royne & de monseigneur d'Orleans. Et ne pouuans par telle & si temeraire entreprise autre chose conjecturer finon vne certaine deliberation de ruiner, sous l'authorité du Roy detenu & captif, auec la vraye Religion la plus grade part de ceux de l'estat de noblesse & du tiers estat, & generalement tous ceux qui en font profession, qui sont des plus sideles & obeissans subietsdu Roy : qui seroit vn vray moyen de mettre la Couronne de France en proye. Nous à ces causes desiras à nostre pounoir remettre la Maiesté & sa Couronne en seureté, & la Royne en son authorité, & aussi conseruer les poures fideles le ce royaume en la liberté de conscience qu'il a pleu au Roy leur permettre par ses Edicts faits par l'aduis des Princes du sang, des Sei gneurs du Conseil du Roy, & des plus notables de toutes les Cours des Parlemers de

ce royaume assemblez, & par la deliberatió de la plus-part des Estats, laquelle doit demeurer inuiolable pendant la minorité dudit Seigneur: Auons esté comme bons & loyaux suiets forcez & contrains de prendre les armes, qui est le moyen que Dieu nous a mis en main contre telle violence. Et dés maintenant apres auoir inuoqué le nom de Dieu, comme bien aduisez & conseillez par bonne & meure deliberation, nous auons d'vo commun accord & consentemet libre & volontaire promis & iuré par le nom de Dieu viuat, vne affociation & faincte compagnie mutuelle, aux conditions suiuantes, que nous iurons & promettos deuant Dieu & ses Anges garder inuiolablement & de poinct en poinct, comme s'ensuit, moyennant la grace & misericorde de Dieu nostro feule esperance.

Premierement, nous protestons que nous n'apportons en ceste saincte alliance aucune passió particulière ni respect de nos personnes, biens & honneurs: mais qu'entieret at nous n'auons deux les yeux que l'honneur de Dieu, la deliurance des Maiestez du Roy & de la Royne, la conseruation des Edicts & ordonnances saites pat eux, & finalement la iuste punition & correction des contempreurs d'icelles. Et à

ces fins & non autres, nous iurons & promettons chacun en son esgard d'employer corps & biens, & tout ce qui nous sera posfible iusques à la derniere goutte de nostre sang. Et durera ceste presente association & alliance inuiolable iusques à la maiorité du Roy: c'est asauoir iusques à ce que sa Maiesté estant en aage, ait pris en personne le gouvernement de son royaume : pour lors nous foumettre à l'entiere obeissance & suiection de sa simple volonté. Auquel temps nous esperos luy rendre si bon compte de ladite association (comme aussi nous ferons toutes & quantesfois qu'il plaira à la Royne, elle estant en liberté) qu'on cognoiftra que ce n'est point vne ligue ou monopole defendu, mais vne fidele & droite obeissance pour l'orgent seruice & conseruation de leurs Maiestez.

Secondement, afin que chacun entende ladite presente association estre faite auectelle intention sossible, & en toute pureté de conscience, & crainte du nom de Dieu, lequel nous prenons pour ches & protes éteur d'icelle, nous entendons & iurons qu'en nostre compagnie nous ne soussible qu'il soit fait chose qui deroge aux commademens de Dieu & du Roy, comme idola-

tries & superstitions, blasphemes, paillardifes, violences, rauissemens, pilleries, brisemens d'images & saccagemens de temples par authorité priuce : & en general autres telles choses defendues de Dieu, ou par l'Edict dernier de lanuier, desquelles au contraire nous pourchasserons que punition & iustice soit faite. Et pour estre conduits sous l'obeissance de la parole de Dieu, nous entendons auoir en nos compagnies de bons & fideles Ministres de la gloire de nostre Dieu, qui nous enseigneront sa volonté, & ausquels nous presterons audience telle

qu'il appartient.

Tiercement, nous nommons pour chef & conducteur de toute la compagnie, Moseigneur le Prince de Condé, Prince du sang, & partant conseiller nay, & l'vn des protecteurs de la Couronne de France. Lequel nous iurons & promettons acompaguer, & luy rendre toute prompte obeiffance en ce qui concerne le fait de ceste presen te association, nous soumettans en cas derebellion ou negligence à son chastiment & correction telle qu'il aduisera. Et cas aduenat que ledit seigneur Prince par son indisposition ou autrement ne peust executer ladite charge, celuy qui fera par luy nommé. fera obey & suiui entierement, comme sa

propre

propre personne. Et ledit seigneur Prince monstrant le zele qu'il a à la gloire de Dieu & au service du Roy, a accepté ce que dessus, promettant à toute la compagnie, qu'en toute diligence & promptitude, moyennat l'aide de Dieu, il sera vray office de ches & conducteur, suivant la teneur de toutes les conductors de la sussition.

En quatrieme lieu nous auons compris & affocié en ce present traité d'alliance toutes les personnes du conseil du Roy, exceptez ceux qui portent armes contre leur deuoir, pour asseruir la volonté du Roy & de la Royne. Lesquelles armes s'ils ne posent, & s'ils ne se retirent, & rendent raison de leur faict en toute suiccion & obesssance, quand il plaira à la Royne les appeller: nous les tenons auec iuste occasion pour coulpables de lese maiesté,& perturbateurs du repos public de ce royaume.

Et pour paruenir à la fin & accomplissemét de cestedite association (que nous protestés dereches n'estre faite que pour maintenir l'honneur de Dieu, le repos de ceroyaume, & l'estat & liberté du Roy, sous le gouvernement de la Royne sa mere) vu chacun de no en son csgard, depuis le plus petit susques au plus grand, iurons & promettons deuant Dieu & ses Anges, nous

C.i.

senir prests de tout ce qui sera en nostre pou uoir, comme d'argent, d'armes, cheuaux de seruice, & toutes autres choses requises, pour nous trouuer au premier mandement dudit seigneur Prince ou autre ayant charge de luy, equippez pour l'accompagner par tout où il luy plaira nous commander, & fidelement luy faire service pour les fins susdictes, & rendre tout devoir de corps & de biens iusques au dernier souspir. Et cas aduenant qu'en quelque lieu ou endroit de ce royaume entendions qu'aucun compris en ceste presente association reçoiue outrage ou violence par les dessusdits ou autres, contre l'Edict du Roy du mois de lanuier dernier : nous iurons & prometrons tous le secourir promptement, & nous employer à ce que tel tort soit reparé, comme si le dommage estoit particulier à vn chacun de nous: & le tout selon qu'il nous sera comandé par ledit seigneur Prince ou autre ayant charge de luy.

Dauantage s'il aduient (ce que Dieu ne veuille) qu'aucun de nous, ayant oublié son deuoit & son ferment, eust quelque intelligence auce les ennemis, ou commis acte de lascheté ou trahison en sorte ou maniere quelconque, ou se mostrast rebelle à ce que dessus : nous iurons & promettons sur la part que nous pretendons auoir en Paradis, le reuelet incontinent audict seigneur Prince ou autre qu'il appartiendra, & le tenir & traiter comme ennemy, traisse des des princes de la caracter comme en les accordé d'vn franc & irreuocable consentement. Fait, arresse publié à Orleans, l'an de nostre Seigneur Mil cinq cens soixante deux, l'onzieme iour d'Auril. Ainsi signé,

LOYS DE BOVRBON, auec autres, Princes, Cheualiers de l'ordre, Seigneurs, Capitaines, Gentils-hommes, & plusieurs autres de tous les estats & de toutes les contrees de ce toyaume en grand nombre, come il appett par le registre estant pardeuers ledict Seigneur.

Low contagnitudes of supplied the Control of the Co

dons a fill said che long somes saparaths

- Literature di may man di la cost

THE COMPANY OF THE PARTY OF THE

SECONDE DECLAR'A.

tion de Monsieur le Prince de Condé, pour faire cognosstre les autheurs des trou bles qui sont auiourd huy en ce Royaume, & le deuoir en quoy il s'est mu & se met encores à present pour les pacifier.



OMBIEN que monsieur le Prince de Condé ait assez demostré par plusieurs bien effets, non seulemer le grad zele & deuotion qu'il a au seruice du Roy & de la

Royne, & l'entiere obeissance qu'il porte à leuts Maiestez, mais aussi la singuliere affection qu'il a au bien & repos de ce royaume, en ce mesmement que puis n'agueres il a differé iusques à l'extremité & necessité de prendre les armes, pour s'opposer à la violence de ceux lesquels estans encores pleins de sang & de menaces, & ayans mandé & assemblé des gens de toutes parts, s'estoyent armez contre la defense de leurs Maiestez, & estoyent entrez auec leurs forces à Paris, où lors ledit seigneur Prince estoit: encores qu'il eust esté long temps auparauant

bien aduerti de leurs desseins & entreprinfes. Et par apres, sans auoir aucun esgard ni au degré qu'il tient en ce royaume, ni à ce qu'il n'auoit pas pris les armes le premier, au simple mandement de la Royne est le premier sorti de Paris auec sa compagnie pour s'en aller en sa maison en intention de renuoyer incontinent tous les siens, esperat que les dessuldits feroyet le semblable. Lefquels au contraire sont demourez quelques iours audit Paris, à se renforcer : & apres y. auoir fait plusieurs actes de souveraineré, font allez trouver leursdites Maiestez auec leurs armes & forces, desquelles ils les tiennent encores environnez, & reduits en captiuité de leurs personnes & volontez. Et neantmoins ledit (eigneur Prince, n'ayant rien en plus grande recommandation que la tranquillité publique, s'est tousiours voulu soumettre à telles & si raisonnables conditions de poser les armes (qu'il a esté contraint de prendre aucc si sustes & necessaires occasions) que tous ceux mesmes que les dessusdits ont fait despescher vers luy de la part du Roy & de la Royne, ont tousiours dit que ceux qui refuseroyent lesdites conditions, se mettroyent en leur tort : desquelles ledit seigneur Prince ne fait à present autre mention ni redite, par ce qu'elles sont C.111.

portees par sa premiere declaration. Mais craignant que ses raisons & les responses que (depuis auoir offert lesdites coditions) il a faites sur ce qui luy a esté mandé & remonstré de la part de la Royne à l'appetit des dessusdits, n'ayent pas esté fidelement rapportees à sa Maiesté, ou q ceux qui ont la force aupres d'elle, vsans de leurs artifices accoultumez (pour faire entendre que la raison est aussi pour eux) ne les luy ayent desguisees, afin de tousiours nourrir & entretenir ce trouble, preferans leurs passions particulieres à la conseruation & repos de cest estat : ledit seigneur Prince n'a voulu faillir de les faire rediger par escrit, pour estre au vray entendues de leursdites Maiestez, publices par toute la Chrestienté, & cognues de rous les Princes , Potentats, alliez, amis & confederez de ceste Courone, & de tous les Cours des Parlemens de ce royaume. Lesquelles ledit seigneur Prince requiert, & melmes la Cour de Parlemet de Paris (à laquelle il a n'agueres enuoyé sa premiere declaration) de vouloir icelle faire enregistrer, ensemble ceste seconde: afin qu'il puisse ci apres rendre plus certain & perpetuel tesmoignage de ses presentes a-ctions à son Prince, quad il aura attaint l'aage de iuger du seruice ou de la faute qu'on luy aura faite durant sa minorité: S'asseurat tat ledit seigneur Prince de l'integrité d'une si rare & notable compagnie, & tant reputee pat tout le monde, qu'elle examinera & pesera toutes choses auec la balace de Iustice & auec toute rais & equité, sans incliner à aucune passion in asseusié de particuliers.

En premier lieu, on ne peut ni doit imputer audit seigneur Prince, ni d'auoir comencé le trouble qui se voit aujourd'huy en ce royaume, ni d'estre cause de le continuer & entretenir: veu qu'il est certain qu'il n'a pas comence de predre les armes: & quad il les à prises apres ceux qui s'estoyét armez contre la volonté du Roy & de la Royne, il en a eu iuste occasion, luy appartenant de droit naturel de garder à son pouvoir le Roy, les suiets de sa Maiesté, & soy-mesmes de violence:veu aussi que depuis il s'est tousiours soumis de les poser sous conditions raisonnables, & ne tendans qu'à vne bonne & paisible seureté de part & d'autre, & à la liberté du Roy & de la Royne : qui penuent par là assez euidemmet cognoistre que ceux la en font la seule cause, qui reiettent lesdictes coditios, & lesquels n'ayas peu endurer que la Royne cotinualt de gouverner sans force & violence (en contenant vn chacun en paix, & regardant fongneusement d'acquiter les C.iiii.

debtes du Roy son fils) se sont armez, sont venus à la Cour, & entrez au logis du Roy auce leurs sorces, contre sa desense, pour disposer de ce royaume à leur plaisir; ont fait des carnages des suiets de sa Maiesté qui viuoyét sous la permission de ses Edicts: & par consequent ont mis toute la France en trouble, lors qu'elle commençoit à iouir d'yn bon repos, mesmes pour le regard de la Religion Chrestienne, chacune des deux parties estimant auoir dequoy se cotenter.

Et (sans s'arretter seulemet à ce qu'on voit à present) si on veut entrer vn peu plus auant, & mettre en confideration l'humeur & les deportemens passez d'un chacun, & regarder de plus loin qui sont ceux qui ont ci deuant suscité & entretenu les troubles en ce royaume, on trouvera que ceux qui ont n'agueres commécé de prendre les armes,&esmeu ceste guerre civile,ont presque dés leur naissance conjuré de troubler la tranquillité de cedit royaume & le repos, dont ils sont ennemis: parce qu'il est contraire à leurs desseins, & couppe le chemin à · leur ambitio, q ne leur semble iamais estre affez ouvert ni bien preparé, finon quad il y a des occasions de remuemet & entreptises nouvelles. Et (las sur ce propos faire métion du jugemét q fit d'eux vn si grad Roy & de

tel entendement, comme François premier estoit, ni de plusieurs estranges particularitez de leurs actions) chacun sçait que ceuxla mesmes, ne pouvans endurer le bien d'vn repos public, furent cause de rompre la treue si honorable & auantageuse, qui auoit esté faite entre le feu Roy Henry & l'Empereur Charles & le Roy Catholic (dequoy non seulement nous ressentons encores, mais toute la posterité se ressentira) mettans par ce moven toute l'Europe en trouble & confusion, & toute la France en ruine, pour paruenir à leurs fins & intentions affez cognues. Et que depuis qu'ils eurent embrassé le maniement des affaires & finances apres la iournee de sainct Laurens, & plusieurs desastres sur desastres aduenus à cause de ladicte rupture, ils commencerent incontinét à mettre les troubles en cedict royaume, de sorte que le feu Roy Henry, ne pouvat plus supporter au pres de luy de si violes esprits, auoit deliberé de les enuoyer en leur maifon, si la mort ne l'enst preuenu. Par apres; durant le regne du Roy François second; ayans ces gouverneurs estrangers vsurpé contre tout droict, & mesmes cotre les loix & coustumes de France, l'entier gouvernes ment, ce poure royaume n'a-il pas tousiours esté en trouble & en armes ? N'ont-ils pas à la veuë d'vn chacun essayé d'acharner ce icune Roy sur ses propres suiets, qui estoit autrement bon & vertueux, & duquel ils ont fait ce qu'ils ont peu, pour souiller la memoire & chronique par leurs cruautez? Ne l'ont-ils pas fait armer & tenir camp au milieu de son royaume, cotre les siens, aucc vne telle & si espouuantable face de misere & triftesse par tout cedict royaume, que chacun a horreur d'en parler & le ramenteuoir? Et (pour acheuer leur tragedie) n'a lon pas veu par la mort dudict Roy Fraçois, leur violent gouvernement estant cessé, la Royne & Roy de Nauarre ayans vne bonne vnion & correspondance ensemble, auoir gouverné rout cest estat enviró treize mois paisiblement auec toute douceur & iustice: iusques à ce que leur ambition (qui ne leur permettra iamais de se contenir & viure en repos)les a resueillez & poussez eux & leurs bons agens & ministres, à troubler ciel & terre (comme chacun voit) au tresgrand regret dudict seigneur Prince? qui ne doute point que toutes personnes de bon & sain iugement ne cognoissent bien ceux qui sont cause d'auoir commencé, entretenu & continué de troubler ce royaume. Dont on ne peut sans calomnie charger ceux qui ont tousiours demonstré par effect, n'auoir iamais suiui ne recerché tels moyens, & aussi peu les honneurs & richesses, qu'au contraire ils ont pourchasse par les belles voyes

que lon a veu.

Secondement, tant s'en faut qu'on doiue trouuer estrange si ledict seigneur Prince regarde à besongner seuremet en ce faict auec tous ceux qui tiennent aujourd'huy le Roy & la Royne en leur puissance, que plustost lon luy deuroit imputer à grande faute s'il en vsoit autremet, & qu'il s'oubliast tant que de se mettre à leur merci : veu la trop estrange façon dont il a esté traité par eux par le passé, quand ils ont pris l'authorité de commander en ce royaume : auffi qu'il est certain que leur dessein ne tend à autre fin qu'à l'entiere ruine de la plus grand' part de la noblesse, & de tous ceux des autres estats qui font profession de la Religion reformee, & principalement dudict seigneur Prince & de toute sa compagnie. Ce qui se peut euidemment tesmoigner par la bouche mesme des sieurs de Guyse & Conestable, & par les propos qu'ils ont tenus en pleine Cour de Parlement à Paris, vsans de ces termes, Qu'il faut commencer par Paris, & que par apres on reiglera bien le reste, & fera-on en sorte que lon cognoistra de quelle religion est vn chacun, &



principalement ceux qui ont charge: & que la principale intétion du Roy est de departir la compagnie qui est à Orleans, & que puis apres il n'aura point les mains lices. Or puis qu'il a esté en la puissance d'aucuns, par leurs affections particulieres, de rompre vn Edict si solennellement fait comme est celuy du mois de lanuier dernier, auec lequel tout ce toyaume s'en alloit en repos: & qu'en outre, ce qui auoit esté resolu l'onzieme iour de ce mois en plein conseil (qui eftoit de faire publier l'Edict dessusdict sans l'exception & restriction de Paris & de la banlieuë) le iour ensuiuant, par leurs pratiques & par l'authorité qu'ils entreprénent, a esté rompu & violé, & ladicte restriction passee par-apres en la Cour de Parlement: on cognoist par cela clairement comme la Royne est obeie, combien elle a de puissance, & que leurs volontez, passions & affections particulieres sont par dessus sa volonté & la determination du conseil. Et est pareillement aise à iuger par leursdicts propos, & par toutes leurs actios, qu'aussi tost qu'ils pourront, ils voudrot faire obseruer par tout ce royaume ce qu'ils font pour le regard de Paris & de la banlieuë: & que par consequent, il n'y a point de fiance ni asseurance aux lettres de leur Edict qu'ils ont n'agueres fait publier, tesmoin le cry qui depuis a esté fait par les carrefours de la ville de Paris, le vingtieme de cedict mois, afin de couoquer tous les gétilshommes de ce royaume, pour combatre & punir les seditieux & nouveaux Chrestiens. Et n'y a point d'apparence d'alleguer que le peuple dudict Paris ne pourroit iamais endurer l'Edict du mois de lanuier, ne s'y soumettre. Car lon a veu que par l'espace d'enuiron trois mois monfieur le Prince de la Rochesurion, & depuis monsieur le Mareschal de Mommorency, anec dix ou douze harquebuziers, ont tellement contenu ledict peuple, qu'il n'estoit nouvelles de se quereller les vns les autres. Ce qui a duré paisiblement insques à la venue dudict fieur de Guyse à Paris. Sur quoy il est bien à noter, qu'ayant esté sur la fin ledict sieur Mareschal renforcé de quelques gens de pied & de cheual, pour empescher des monopoles qu'on voyoit se dresser de iour à autre, pour esmouuoir le peuple, il fut remonstré par le Preuost des marchans & par ceux de la ville, qu'il n'estoit besoin d'y tenir vne telle force, qui ne serviroit que d'incommoder le peuple: & qu'il estoit ailé sans cela de le faire viure paisiblement. Et neantmoins, apres la venue dudict sieur de Guyse, ledict peuple a si tost changé d'hu-

meur, & a esté si malaisé de le cotenir (ainsi qu'ils veulent faire croire) qu'il a esté besoin de leuer le nombre d'enseignes de gens de pied que chacun a veu, premier qu'en parler à la Royne, & contre sa volonté. Au reste, ledict seigneur Prince cognoist bien que c'est vne œuure de Dieu, que lesdicts sieurs de Guyse & Conestable n'ayent peu dissimuler leur dessein publiquement & en si grande compagnie, & qu'ils ont dit dauantage qu'ils ne pensoyent: Chose qui est pour confirmer ce que leurs plus familiers & domestiques serusteurs disent ordinairement, & ce qu'on voit par infinies lettres qui ont esté surprises, qu'on ne demade qu'à dissoudre la copagnie qui est à Orleans, pour puis apres faire l'execution, tant sur les grands que sur les petis, que de long temps ils ont proiettee. Dequoy font assez de foy les saccagemés & cruautez qui n'agueres ont esté commises à Paris, tat en la presence dudict Conestable, que sous son authorité princes & qui tous les iours se commettent en diuers lieux contre ceux de la Religion reformee: & mesmement l'horrible & detestable massacre fait à Sens, Archeuesché appartenant au Cardinal de Guyse : qui ne fust aduenu sans leur nouuelle entreprise, & l'exemple & adueu qu'ils en ont donné. Dequoy & de toutes autres desolations & calamitez qui menacet la France, la faute n'en

doit estre attribuce qu'à cux seuls.

Et quant à ce que la Royne mande audict seigneur Prince de se desarmer sous sa fiance & parole, & s'en venir à la Cour, où il sera bien receu, & qu'elle luy fera bailler toutes telles seuretez par escrit qu'il voudra: ledict seigneur Prince n'a autre desir que d'obeir à la voloté de ladicte Dame, & voir chacun viute en repos. Mais il entend bien que ces despesches-la & toutes choses se font auiourd'huy à l'appetit des dessusdicts. Et ne voit point au reste que sa Maiesté, quelque bonne volonté qu'elle en ait, luy puisse bailler aucune seureté, pédant qu'elle fera en la puissance des dessusdicts, & qu'ils seront autour du Roy & d'elle. Car quel moyen a-elle de leur resister, ni à tout ce qu'ils voudront entreprédre, estát enuironnee de leurs armes & forces, qu'ils ont euxmesmes leuces & assemblees, & qu'ils ont bien osé amener iusques en la maison & chabre du Roy, cotre sa volonté & defense expresse ? Aussi peu de seureté y a-il de dire que le Roy de Nauarre (lequel ledict seigneur Prince & toº ceux de sa copagnie recognoissent apres le Roy & la Royne) tiédra Entered Standard Late of The with war.

seul la force, comme Lieutenat general du Roy: attendu mesmement la façon dont ils entreprennent de le posseder & abuser de la bonté. Ioinct qu'il n'y a point de doute que leurs gens & les forces qu'ils ont assemblees, ne soyet à leur deuotion (en quelque autre main qu'elles puissent estre) & qu'elles n'obeifsent à leurs volontez & intentions, & qu'ils ne s'en puissent aider contre le vouloir de la Royne & du Roy de Nauarre, & cotre eux-melmes, quand ils voudront. Comme ils ont assez fait cognoistre par le passé, ce qu'ils sauent faire, à ladicte Dame, & mesmes audict Seigneur Roy, quand ils ont eu la force, le commandemet & le moyen de nuire entre leurs mains, desquelles (s'il leur plaist s'en laisser souvenir) ils trouueront que la seule bonté de Dieu les a preseruez. Bref, ledict seigneur Prince ne peut voir auec raison autre seureté que leur retraite de la Cour, & la premiere & pleine liberté de la Royne. Et s'asseure bien que toutes les fois qu'il restera en ceste saifon (& mesmes en temps d'vne si vniuerselle paix) autres forces en ce royaume que la garde ordinaire du Roy, & celles des places de frontieres, qui est accoustumee : ce ne pourra estre (veu leurs deportemés & confeils affez descouverts) que pour faire quel-

que execution par force & violence . Et ne doute point, puis qu'ils ont bien ofé affembler lesdictes forces de telle façon, qu'ils ne craindront non plus de les employer pour mettre à fin ce qu'ils ont resolu. Qui fait que ceux qui ont à se garder de telles surprises, ne croyent pas aisément aux paroles, si ce n'est d'autant que les effects s'en ensuivents qui sont evidemment contraires. Car il appert que les dessuldicts font toutes les demonstrations d'animosité & d'hossilité dot ils se peuvent aduiser contre ledict seigneur Prince, & contre ceux de sa compagnie: lesquels ils publient par tout le mode pour rebelles & ennemis du Roy, ils font pouruoir à leurs estats, ils ne les menacent de moins que de la vie, ils font semer plusieurs faux bruits & calomnies cotre les actions dudict seigneur Prince, ils sont dauantage faite leuces de gens de pied, dedans & dehors le royaume, contre ce qui a esté respodu & accordé aux Estats. Ils font pratiques auec les ambassadeurs & auec les estrangers , partie sous le nom & authorité du Roy & de la Royne, & partie sans le sceu de leurs Maiestez. Ils ne font point de difficulté de faire armer le Roy contre ceux de ses suiers, desquels il estoir, au parauant leur belle entreprise & arriuce, fidelement & de bonne vo-

D.i.

lonté obey, & sera toufiours iusques au dernier souspir . Ils font , pour cest effect , entrer sa Maiesté en despense mal à propos: ils trouvent bon d'employer les deniers qui estoyet destinez pour acquiter ses debtes (qui font telles que chacun (çait) à exterminer & destruire la plus grande part de sa noblesse & de tous les autres estats. Qui est comme luy faire couper à soy-mesmes les bras & les iambes, & vouloir acheuer de ruiner ce royaume, qui par leur beau confeil, conduite & gouvernement est reduict en l'estat que chacun voit. Et finalement ces sages testes de ce royaume ne se souciét point d'expoler tout celt eltat en proye, estans apres pour mettre dedans les estrangers, & retirer les compagnics & bons soldats des places les plus importantes, assauoir de Calais & de Mets (sur lesquelles on ne doute point que nos voisins n'ayent l'œil de bien pres) le tout pour seruir à leurs passions particulieres : ayans en plus grande recommandation de sujure le cours de leur ambition, & paruenir au but de leurs desseins (à quelque pris q ce foit, fust auec la ruine de ce royaume) que d'y faillir. Quelle seureté donques voudroit-on q ledict seigneur Prince trouuast auec telles demonstrations & effects de tresmanuaises volontez & intentions?

Quant à ce qu'on remonstre audict seigneur Prince qu'il doit oublier le particulier pour le public, il luy semble que ceste remonstrance seroit mieux employee à ceux qui ayans premierement & grandement failli, cotinuent si bien, qu'ils aiment mieux voir perir vue grande partie de ce royaume, que (pour la conservation d'iceluy & pour donner seureté à ceux qui ont occasion de la cercher) se departir de la Cour : combien qu'il n'y a bo fuiet qui n'aimast mieux s'absenter pour toute sa vie, pour racheter vn tel inconuenient, que de voir (pour estre prefent) la patrie en dager, & son Roy ennuyé. Mais pour coulorer leur obstince voloté de demourer à la Cour, ils alleguet leurs charges & estats; & qu'estas officiers de la Couronne, on ne les peut ni doit faire retirer d'aupres de la personne du Roy estant en minorité. Encores ont-ils esté si insolens, qu'ils ont bien ofé dire que le Roy, estant mineur, n'auoit pas puissance de les en faire departir : comme si la Royne ne suppleoit pas au bas aage du Roy, & qu'il fust plus raisonnable qu'à cause de leurs estats ils demourassent à la Cour, pour desobeir & troubler l'estat, que d'en departir, pour laisser bon exemple, authoriser le commandement du Roy, & approuver le gouver-

D.ii.

nement de la Royne. En quoy tout bon & juste fondement leur defaut, veu mesmement l'occasion & necessité presente. Car il est bien clair qu'ils n'ont pas esté esleuez aux charges pour s'y employer à leur appetir, ni pour troubler le royaume (en trafgrefsant les Edicts, s'armans non seulement sans commandement ou requisition du Roy ni de la Royne, mais contre leur volonté, & faisant plusieurs violéces) ains pour le maintenir en repos & tranquillité, come il estoit au parauat leur venue, & deuat qu'ils prinsfent ainsi les armes d'eux-mesmes, abusans de leurs charges, & entreprenans plus que n'ont de tout temps fait les propres freres des Rois : lesquels encores qu'ils retournassent d'une bataille, n'ont jamais ofé venir à la Cour sinon desarmez. Or pour le moins, puis qu'à cause de leur arriuee & presence à la Cour, ensemble de leurs beaux deportemens, ils voyent auoir fait vn tel remuemet que d'auoir mis toute la France en trouble & combultion, & elmeu vne guerre ciuile: & qu'au contraire vne pacification & tranquillité deped de leur retraite (d'autant que ledict seigneur Prince ne voit aucun autre moyen pour !- seureté commune ni pour la liberté du Roy & de la Royne, & que de sa part il a resolu de ne se mettre iamais à leur

merci, comme chacun iugera n'estre raisonnable) il est certain que s'ils sont bons & affectionnez officiers & serviteurs de ceste Couronne, ils doiuent en ce cas oublier leur particulier attedu que ledict seigneur Prince, qui n'en est pas seulement officier & serniteur, mais a cest honneur d'en estre paret & issu de la maison & du sang, & qui pour ceste occasion a plus de droict & privilege qu'eux de demourer aupres de sa Maiesté: outre la consideration de ce qu'il ne s'est pas armé le premier, & que les dessusdicts n'ont aucunement satisfait à la requisition des Estats (comme ils sont tenus premier que d'estre admis au conseil du Roy) offre toutes fois de se retirer en sa maison & gouvernement, & faire à tous les autres seigneurs & officiers de la Courone qui sont en sa compagnie, faire le semblable. A quoy si les dessusdicts ne condescendent, ledict seigneur · Prince s'asseure qu'il n'y a personne non passionnee qui ne iuge que ce n'est point luy, mais eux seuls qui preserent leur particulier au public.

Que si ces bons officiers de la Couronne ne se contentent de raison, & demandent des exemples, il faudra malgré eux qu'ils confessent ce moyen & expedient estre raisonnable & accoustumé: puis que c'est la

D.jii

voye qu'on sçait assez, par plusieurs exemples du passé, les predecesseurs Roys auoir fuiuie. Lesquels, quand il est aduenu different entre les Princes leurs suiets, iusques à prendre les armes d'eux-mesmes, les ont fait poser d'une part & d'autre, & eux retirer en leurs maisons, pour apres les faire venir rendre compte de leurs faicts; & ouyr leurs differes & raisons, quand ils seroyent appellez. Pour le moins, si on a deliberé de souffrir à la Cour (cotre toute raison & coustume) ceux qui ne sont qu'officiers de la Couronne, auec les forces qu'ils ont assemblees de leur authorité priuec : on ne sçauroit nier qu'on ne fist vn tort euidet audict leigneur Prince (qui a cest honneur d'appartenir au Roy, & qui n'a pris les armes qu'apres eux, non à autre fin que pour garder le Roy & la Royne & soy-mesme, de violence) s'il n'auoit pareil prinilege d'estre à la Cour auec ceux de sa copagnie, qui ont aussi bien le serment au Roy comme les autres, & lesquels il asseurera sur son honneur & sur sa vie estre des plus fideles & obeifsans suiets & seruiteurs de sa Maiesté: comme ils ont fait & feront bien encores apparoistre. Et lors estans là, ils pourrot receuoir les commandemens du Roy de Nauarre, Lieutenant general du Roy, & luy assister

comme les autres, ensemble ayder de tout leur pouuoir à maintenir la liberté & authorité du Roy & de la Royne : pour le seruice desquels ils sont prests d'employer corps & biens, iusques au dernier denier & dernier souspir. Que si les dessudicts ne permettent que la Royne vse de ceste equalité trop raisonnable, sans faire cognoistre qu'il y ait plus d'affection d'vne part que d'autre (encores que s'il y avoit lieu d'incliner, la raison voudroit que ce fust de la part dudict Seigneur, qui a cest honneur d'estre Prince du fang) & que pour obuier à vne fi prochaine desolation, ladicte Dame n'interpofe, auec si iuste cause, son authorité; autrement qu'elle n'a encores fait insques ici: lon ne pourra pas dire qu'elle n'ait eu desir de ce faire, estat si sage & vertueuse comme elle est, & aimant tellement la grandeur du Roy son fils, & la conservation de son estat & sa seureré, qu'elle ne voudroit espargner personne en chose de telle importance, & qui menace d'une si grande ruine Mais on ne doutera point que ce ne soit la crainte qu'elle a de ceux qui tiennent leurs forces aupres d'elle, qui l'auront empeschee de faire ce qui est si necessaire : suiuant les preuues assez suffisantes qu'on a que sa Maiesté est reduicte en tel estat, qu'elle de-

D. iiii.

laisse de faire beaucoup de choses, & en passe d'autres contre sa volonté. Tesmoin l'election nouvelle de ceux qui ont esté appellez au priné Coseil: lesquels on cognoist bien auoir esté choisis pour seruir de nombre, & pour la tenir en suiection sous pretexte d'vn Conseil. Car on sçait assez combien autrement & sans la crainte des desfusdicts ; ladicte Dame estoit difficile à admettre des personnes audict Conseil: On sçait aussi le peu de respect que luy portent maintenant ceux qui font tous les iours des conseils à part, puis luy font passer ce qu'ils ont arresté: font des despesches, puis les luy communiquent, & font dayantage faire & passer à vne Cour de Parlement ce qui leur semble bon & qu'ils ont entrepris, & monstrent bien y auoir plus de credit & authorité que le Roy & la Royne n'y en ont peu auoir. Bref, qui est celuy qui ne confessera estre à present plus que necessaire que ladicte Dame reprenne son authorité accoustumee, fans estre plus environnee de gens de guerre, & que les dessusdicts se retirent aucc leurs forces, pour leuer la crainte & souspeçon qu'ils ont non sans occasion donné à tant de gens, & pour obuier aux calamitez dont cest estat est menacé? & mesmement par ce que ledict seigneur

Prince & tous ceux de sa compagnie (qui sont des meilleurs seruiteurs de ceste Couronne) & autres de tous estats sont resolus vne fois pour toutes d'esprouver toute fortune, & employer leurs vies iufques à la derniere goutte de leur lang, plustost que de voit la force en ce royaume entre les mains de ceux à qui il n'appartient, qui en ont abusé par le passé auec si grande ruine des suiets du Roy: & de nouveau ont fait tels carnages & violences contre ceux de la Religion que tient ledit seigneur Prince, sans auoir efgard aux Edicts du Roy: que pour le moins il se gardera bien , tant qu'il viura & pourra, de se mettre en leur puissace & merci:dont il s'est par ci deuat trop mal troune?

Et pour ne laisser lieu aux calomnies & plaintes que les dessus sont faire contre ledict seigneur Prince, & mesmes à ce qu'ils mettent en auant que luy & ceux de sa compagnie arrestent & ouvrent les pacquets du Roysil desse bien qu'on entéde qu'il a tousiours porté telle reuerence à ce qui appartiét à sa Maiesté, & pottera toute sa vie, qu'il a dés le commencemét tresexpressement de se de la Roynent du Roy de Navarre. Il est bien vray que ce respect n'a esté gardé (come il n'est pas raisonnable) aux lettres de

pluseurs particuliers, qui ont esté arrestees & ouvertes: par lesquelles on a veu vne infinité de maledicéces, calónies, faux bruits, pratiques, desseins & entreprises incroyables, contraires aux propos de seureté qu'on fait tous les iours tenir audit seigneur Prince: qui ne serepent point de ce qu'il en a fait, & ne voudroit pour ceste occasion en auoir vse autrement, ayant par là cognu plus auant leurs mauuaises volontez.

Des brisemens d'images faits à Tours & à Blois, ledit seigneur Prince & ceux de sa compagnie en ont receu vn tresgrand desplaisir : de sorte qu'il a mandé aux officiers du Roy ausdictes villes qu'il leur ayderoit & tiedroit la main forte pour faire chastier exemplairement ceux qui ont commis tels actes. La façon dont il s'est comporté en ceste ville d'Orleans, en rend bon & suffisant tesmoignage, les louanges que luy en donnent les Ecclesiastiques, les remerciemens publiques qu'ils luy ont fairs, & ceux des autres estats, pour le reiglement, douceur & moderation de vie, dont luy & tous ceux de sa copagnie vsent, sans blaspheme & sans faire rigueur, ni vn seul tort ou violence à aucun, ni trasgresser l'Edict de l'anuier dernier. Encores puis n'agueres s'estat. trouué quelq image brifee, il a fait mettre

ceux q s'en trouvét chargez, entre les mains de la iustice, pour les punir au premier iour,

Et pour le regard de ce qu'on se plaint des villes lesquelles les habitans mesmes gardet, & dont ils se sont saisis & asseurez : ce n'a esté en autre intention que pour faire service au Roy & à la Royne, & pour empescher que ceux qui abusent du nom & authorité de leurs Maiestez, & qui les tiennent enuironnez de leurs armes, s'en puissent aider & les faire seruir à leurs passions particulieres. Car aussi tost que ladicte Dame sera en sa premiere liberté, ainsi qu'elle estoit il y a deux mois, elle cognoistra que lesdictes villes sont en parcille obeissance & sniection qu'elles ont toufiours esté, & veulent demeurer à iamais, & ne voudroyent ceder à quelsconques autres villes de ce royaume de fidelité, vers leursdictes Maiestez : & moins à celles qu'on sait avoir de long téps comploté de commencer & entretenir sous pretexte de Religion ceste guerre civile, iusques à promettre & fournir à des particuliers argent pour cest effect.

Au demeurant, tant s'en faut que ledict feigneur Prince & ceux de la compagnie, puissent mettre sous le pied ce qui s'est passé en ce faict, & n'en parler iamais (come on luy a remostré qu'il faloit qu'il fist) que plufost ils veulent s'en ressouvenir à iamais, peindre en tableaux, escrite en lettres d'or, faire publier & sonner hautement par toute la Chrestiere le bon deuoir de fidelité qu'ils ont rendu si à propos à leur Roy, exposé en cest aage à iniure & violence : pour seruir d'exemple & perpetuel tesmoignage de la façon dont ledict seigneur Prince & la noblesse de France se sont si proptement, en si bon nombre & si vnanimement assemblez, pour la seureré & liberté de leur Prince, & pour la conseruation de sa personne & de son estat. Et ne pense point ledit seigneur Prince que ci apres il se puisse iamais prefenter deuant luy vne plus belle ni plus memorable occasion de luy faire service, ni en plus beau & digne moyen d'acquerir vn vray honneur & louange : pour le moins, qu'il espere d'auoir la grace de Dieu & celle de son Prince pour ce faict, quand il sera paruenu en aage d'en faire iugement, & de cognoistre & estimer cest acte de vraye & fidele affection que ses suiets luy ont rendu en telle saison.

Ces choses cosiderees, ledit seigneur Prince, s'estant mis en tout deuoir de pacifier ce trouble, qui ne semble tendre qu'à vne maniseste tuine & subuersion d'estat, & s'estant soumis à toutes les conditions raisonnables

qu'il a peu, de poser les armes d'une part &c d'autre (sans auoir esgard sinon à la liberté du Roy & de la Royne, & à la seureté commune, laquelle il a occasion de cercher) proteste de rechef deuant le Roy & la Royne, & toutes les Cours des Parlemés, & tous les estats de ce royaume, que des maux, calamitez & desolations qui pourront ci apres suruenir, la faute en doit estre imputee à ceux qui en sont autheurs & la seule cause, & qui ont resolu de plustost troubler tout cest estat, en demeurat à la Cour & au conseil du Roy (où mesmes ils ne peuvent ni doivent à present demeurer, n'y estre admis, suivant la requisitió des estats, & iusques à ce qu'ils y avent (atisfait) que s'en departant y laisser vn commun repos & tranquilité.

Requiert toutes les littes Cours des Parlemens, villes & communantez de cedict royaume, de soigneus ement peser les choses sus suites, & de faire tous les bons offices que ils doiuent, & qui leur sera possible, pour le service du Roy & seureté de sa personne & de son estat, & pour maintenir l'aurhorité & gounernement de la Royne: à ce que ci apres ils puissent rendre si bon côpie & suffisant tes moignage de leurs actions en ceste fisant tes moignage de leurs actions en ceste presente necessité (comme ledict seigneur Prince entéd faire des siennes) au Roy estat

paruenu en aage de commander foy-metmes, que sa Maiesté ait plustost occasion de les en louër, estimer & remercier, que de les blasmer de peu de deuoir, ou d'avoir plus suiuy leurs passions, craint ou gratifié quelques particuliers (qui veulet à preset coulorer, authoriser & faire ratifier leurs fautes) que regardé à la conservation de son estat. Pric ledit seigneur Prince affectueusemet tous les bons & loyaux suiets de ceste Courone, de luy prester aide, faueur & assistance en vne cause si iuste & saincte : appellant Dieu à tesmoin, que seulement le desplaisir de voir le Roy & la Royne, traiclez par les dessussitiers fuiets fi indignement, & enuironnez de leurs armes & forces (tout autrement qu'il n'auoit iamais esté veu en ce royaume) & le desir de maintenir l'honneur de Dieu & le gouvernement de ladite Dame, ensemble de coseruer à son pouvoir cest estat, & la plus grand part des bons suiets du Roy, l'a contraint de s'opposer à leur violence. Ce qui a pour le moins tellement profité iusques ici, qu'ils n'ont encores ose exercer leurs entreprises assez descouuertes: qui cussent certainement reduict sadite Maiesté en telle extremité & seruitude que Royne ait de long temps esté veuë, & la plus part desdits suiets du Roy en trespiteux estat & grade oppressió. Il loue Dieu grandement de ce qu'il a pleu à son infinie bonté & providence, luy mettre en main le moyen de leur resister i usques à present. Lequel il espere & s'asseure qu'il luy fera la grace de mener à vne bonne & heureuse sin pour son service, & pour celuy de leurs dites Maiestez. Donné à Orleans le vingreinqueme iour d'Auril, PAn de nostre Seigneur Mil cinq cens soixante deux. Ains single,

LOYS DE BOVRBON.

DESCRIPTION OF THE PROPERTY OF

LETTRE DE MONSEIgneur le Prince de Condé, enuoyee à Paris auec.la seconde declaration.




ESSIEVES, si ceux qui se sont armez pour vindiquer la liberté du Roy, & conseruer l'authorité de la Royne; meritent autant de louange

& remuneration comme ceux qui ont prins les armes les premiers, pour oppugner l'vn, & contemner l'autre, sont dignes de condamnation & honteil n'estoit la besoin que ie feisse plus ample iustificatio de mo faict. que ce qui est contenu au discours que dernierement ie vous enuoyay. Toutesfois, pour ce qu'apres le Roy & la Royne ie defire fingulierement que vous soyez bien efclarciz de toutes choses, i'ay fait dresser vne seconde declaration, laquelle (comme ie croy) vous satisfera par le menu sur tous les poincts qui penuent tomber en dispute, entre ceux qui me contraignent à traiter ce piteux argument, & moy. Vous priant de ne iuger de mon intétion que ce qui par les ef-fects vous en sera bien tost descouuert : lesquels ie rendray (Dieu aidant) conformes au langage de ma protestation. Dont-encore que le soye tres-certain qu'il en demeure meilleure opinion en vos iugemens, que vous ne l'auez voulu (pour plusieurs bons respect) faire paroistre par escriture: si veux-ie bien de bon cœur vous remercier de vos honnestes lettres. Desquelles i'ay pour le moins recueilly ceste esperace c'est, que m'exhortant, comme vous faites (felon vostre accoustumee prudence) de laisser les armes, ie m'asseure que vous-auez desia fait, & ferez encores ci apres, semblable ou plus viue instâce à l'endroit de ceux qui par force, & à mon grand regret, m'ont mis en ceste peine. A quoy il ne vous faut point de plus fort argument pour les esmouuoir, que l'offre que i'ay tousiours faite, & fay encore: Qui est, que se departas de la Cour messieurs de Guyse, Conestable, & Mareschal sainct André, pour eux retirer en leurs maisons & gouvernement: & par mesme moyen restituer au Roy, à la Royne & à monseigneur d'Orleans leur premiere libertésie feray à l'houre mesmes le semblable de moy & de tous les Seigneurs & Gentilshomes de ma troupe. Ceste seule codition, Messieurs, fera bien tost voir à tout le monde qu'il n'y a rebelles, seditieux ni desobeisfans en tout ce royaume, que ceux qui en feront refusans: & ne faut non plus de iustification à ceux qui proposent si peu de chose, pour la tranquillité publique, que d'excuse à ceux qui n'en veulent ouyr parler. Veu mesmement que leurs Maiestez n'ont pas si grand' faute (Dieu merci) de bons & fideles seruiteurs en leur conseil, qu'ils ne se puissent bien passer & d'eux & de nous, iusques' à ce que le Roy ait aage pour cognoistre les fautes & les services que les vns & les autres luy auront faits durant sa minorité. Et pour ce que c'est le plus singulier & entier desir que l'aye en ce monde, le prie Dieu nous faire bien tost voir ce temps-la. Et vous doint, Messieurs, auccques la tres-

E.i.

fainte & digne grace ce que plus defirez. Eferir à Orleans ce vingtseptieme iour d'Auril, Mil cinq cens soixante deux. Et au dessous est escrit,

Vostre bien affectionné amy, LOYS DE BOYRBON.



RESPONSE DES HABItans de la ville de Rouen, ace que monfieur le Duc de Bouillo Cheualier de l'ordre, & Gouverneur pour le Roy en ce pays & Duché de Normandie, leur a dit & remonstré du vouloir & commandement du Roy.



ESDITS habitans supplient humblemétau Roy, & audit Sieur Gouverneur, tenir pour veritable ce qu'ils ont ia declaré. C'est, asuoir, que ils ont pris les armes pour le

fervice du Roy sculement, & pour maintenir ses Edicts, & l'authorité de la Royne mere au gouvernement que les Estats du royaume luy ont baillé, pendant la minorité dudit Seigneur: mesmes pour conserver leurs personnes & familles, contre ceux qui par infraction des Edicts dudit Seigneur ont les premiers pris les armes. Protestans iceux habitans de porter au Roy telle fidelité & obeissance que doiuent à sa Maiesse ses treshumbles, tresloyaux & tresobeissans suiets.

Quant à la sommation de quitter les armes, & mettre és mains dudit fieur Gouuerneur les clefs de ladite ville, & luy delaiffer la garde d'icelle : lesdits habitans recognoissent ledit sieur Duc de Bouillon pour. Gouverneur dudit pays, & confessent luy deuoir telle obeissance en ceste qualité, comme au Roy leur Prince naturel & souuerain. Et par semblable se tiennent lesdits habitans affeurez de la bonne volonté & affection du Roy, tant pour la publication de ses Edicts, que par la declaration qui leur en a esté faite par ledit fieur Gouuerneur. Et mesmes sont en opinion que ledit sieur Gouverneur n'a autre volonté que de maintenir les Edicts du Roy, & faire viure lesdits habitans en tranquillité & repos. Mais dient qu'il y a difference entre vne si bonne & saincte volonté, & le moyen que le Roy peut auoir de l'executer & accomplir.

le est affez notoire come le fieut de Guyfe, chant entre en ce royaume auec. main armee, s'est porté contre les Eglises, tant par ce qu'il a fait à Vassy, que mesmes en la ville de Paris, apres s'estre ioinct auec ceux de sa ligue, s'estat emparé de la personne du Roy, & de la Royne sa mère, forçant par la puissance de ses armes & des siens, l'authorité & volonté de ladite Dame.

Est aussi notoire que ledit sieur de Cuyse par les commissions qu'il a fait expedier sous le nom du Roy, a fait leuer gens en plusieurs & diuers lieux, afin d'estre plus fort à executer son entreprise, & desaccager ceux de ladicte Religion , voire infques, à enuoyer à ceste fin Capitaines en ceste ville .-

D'auantage, on fait de certain que le sieur de Clere & le sieur d'Ozebost & autres Gétils-hommes de ce pais, leuent & font amas de gés de guerre pour aller trouuer ledict sieur de Guyse & ceux de sa ligue.

De recente memoire, le sieur de Vilbon est venu en ceste ville, où il a fait publier de fon authorité, ceux-là estre rebelles qui vot à la suite des troupes d'Orleans: en quoy il a monstré quel parti il tient.

Et a fait faire assemblee en l'hostel commun de ladicte ville, afin de luy fournir trois cens hommes de la Religion Papistique, qu'il entendoit employer au mesme víage & fins que dessus: faisant bien à entendre par les propos qu'il a tenus à ceux de ladite Resigion resormee, que ceux qui ont à conduire ceste entreprise, ne sont pas grad compte de l'authotité de ladite dame Roy-

ne mere, & de son gouvernement.

Outre, lesdits habitans sont auertis des saccagemens qui ont esté faits en plusieurs villes de ce royaume, des suiets du Roy suiuans ladicte Religion: comme à Sens, Amiens & Abbeuille. Et qu'il y a six mil pistoliers qui descendent en ce royaume par le pays d'Artois, pour seruir au messme exploict: & qu'on leue gens de toutes pars.

On cognost aussi les menees dudit sieur Cardinal de Lorraine, & les ligues qu'il a pratiquees auec quelques Princes & Euefques d'Allemagne, & aux pays d'Italie con-

federez du siege Romain.

Toutes les raisons & causes susdites tollissent le moyé que le Roy peut avoir de garder ses suiets des outrages & violences qui

leur sont preparces.

Ioinct que ceux de ladite Religion ont tousiours douté, que par l'ouverture des difputes que les Conseillers du Parlement de Paris ont permis estre faites publiquement en l'Escole de Sorbonne, souchant la destitution d'yn Roy, pour la suspicion d'here-


E. iii.

sie qu'ils appellent : que les confederez & alliez dudit siege Romain veulent attenter contre le Roy & sa Couronne; aussi que le Pape veut dire auoir faculté & authorité de ce saire, à quoy les dicts coniurez & confederez se voudroyent seruir & aider dudict sieur de Guyse.

Et d'autant que l'extreme necessité qui a contraint lesdits habitans de prendre lesdites armes, dure encores (estant ledit sieur do Guyle & ceux de sa ligue encores armez & saisiz de la personne du Roy & de la Royne mere)& qu'on conuie leurs gens de toutes pars pour courir sus ausdites Eglises, & que lesdits habitans ne voyent que le Roy ait le moyen de faire garder & entretenir ses Edicts, & empescher l'entreprise dudit sieur de Guyse: Iceux habitans supplient hublement audit sieur Gouuerneur authoriser & permettre le guet qui a esté par eux assis à la garde des portes de ladite ville, & autres places d'icelle, & prendre d'eux le serment ainsi qu'il appartient': d'autant que s'il est autremet fait, il pourra auenir sedition, n'estant le peuple asseuré contre les inconueniens ci dessus mentionnez.

Et en ce cas lesdits habitans mettront és mains dudit sieur Gouuerneur les cless de ladite ville, auec lesdites places, pour estre gardees sous son nom & authorité, aux despens desdits habitans.

Et si protestent de quitter absoluement les armes aussi tost qu'ils aurôt cognoissance, que par le commandement du Roy, ledit sicur de Guyse & ceux de sa ligue se se ront retirez pour rendre leurs comptes, sui-uant la requeste des Estats. Autrement les dits habitans n'estiment pas estre possible que le royaume & les suiets du Roy demeurét en paix. Presenté le vingtieme iour d'Auril, Mil cinq cens soixante deux. Signé de plusieurs sings ou paraphes.



REMONSTRANCE EN-

uoyee au Roy, par les habitans de la Ville du Mans.



IRE, puis qu'il a pleu à mofieur du Mortier nous impofer filence fur les remontraces que nous auions deliberé luy faire, pour respôdre à ce qu'il nous auoit co-

mandé en vostre nom, le vingtquatrieme

de ce mois: nous supplions treshumblemét vostre Maiesté d'entédre en toute douceur & patience, selon vostre bonté & vertu naturelle, ce qui nous cotraint de tenir & garder le chasteau & autres forces de ceste ville, pour vous en conseruer l'entiere seruitude & obeissance.

Premierement nous supplions treshumblement vostredite Maiesté, Sire, & celle de la Royne, d'entendre comme auce latmes & gemissemens nous deplotons la calmité extreme des miseres presentes. Desquelles on ne peut esperer qu'une entiere & derniere desolatió tát de l'estat de ce royaume que du gouvernement legitime & approusé de la Royne; veu les complots de ceux qui voulans couvrir leurs malheureux desseins de l'authorité de vostre nom, s'esforcent d'asservir la liberté de vos bons & loyaux suiers qui s'opposent à leurs sanglantes & excessiues cruautez & tyrannies.

Et pour entendre de quelle source decoulent tous ces troubles en toutes les parties de vostre royaume, qu'il plaise à vostre Maiesté, Sire, cosiderer que lors q monsieur de Guyse & ses freres ont esté absens de vofre preséce, toutes choses ont esté en repos, mesmes pour le faict de la Religió. Tellemét q moseigneur le Prince de la Rochesurion

a cotenu sans aucune force le peuple de Patis (le plus mutin, seditieux & insolent qui soit en vostredict royaume) long temps deuant la publication de vostre Edict de Ianmer dernier : encores que les exhortations fussent ordinaires & publiques. Mais lors qu'à nostre grad malheur & de tout le peuple ledict sieur de Guyle a minuté son retour en la Cour (pour executer ce qui auoit esté deliberé dés la conference de Poissy entre lesdicts sieurs de Guyse, Conestable & Mareschal sainct André, les Cardinaux de Lorraine & de Tournon) ayat pour son entree fait vn piteux carnage de vos humbles & naturels suiets à Vassy : incontinent de toutes pars lon a veu vostre royaume plein de seditios & guerres civiles, qui ont reussy d'vne si cruelle boucherie. Voila la paix, le bien, & le repos q ledict sieur & les siens ont apporté à vostre royaume par leur retour.

Que si lors que nous auons veu ledice sieur de Guyse auec ceux de sa faction, se saistr à main armee de vostre personne, de la Royne & de monseigneur d'Orleans & ses gens, outrager les poures marchàs de Paris, qui desiroyent se presenter à vostre Maiesté pour implorer vostre aide (sans patler pour le present des pilleries, meutres & embrasemens saits en ladicte ville, en la presence

du Conestable) nous n'eustions pris les armes & forces des villes, pour nous opposer à telles tyránies & cruautez: n'eustions-nous pas, Sire, (ce que nous difons deuant Dieu) non seulemét esté lasches, mais traistres à la fidelité que nous vous deuons & voulons potter iusques au dernier souspit de nostre vie? Veu que ledict sieur de Guyse auoit cómandé à ses suiets du Maine, la Ferté, & Sablé (petites villes situees en ce pays) qu'ils cussent à se saint désirée villes, de la Religion. Ce qu'ils ont autant cruellement executé, côme iniquement & contre vostre authorité, le cômandement leur auoit esté fait.

Et ne peut, Sire, ledict sieur de Guyse, ou autre de sa faction, nous accuser de ce qu'il est ia convaincu, si nous n'obeissons aux Edicts & mandemens qu'il nous envoye sous vostre nom. Car nous appellons vostre Maiesté & celle de la Royne en tesmoignage devant Dieu, si Edict ou madement aucun concernat les troubles presens, a esté depuis vostre prise de Fotainebelleau, deliberé par l'aduis de ceux qui ont esté nommez & approuvez par les Estats de ce royaume:mais, au contraire, si le tout n'a esté sait par le seu aduis & comandement de ceux qui à bonne & iuste cause ont esté deiettez par les dicts

Estats de vostre conseil, come estans estrangers, comprables ou Ecclesiastiques.

Qui sera donc celuy, Sire, de vos bons & loyaux suiets, qui poutra ou deura legitimement obeir aux mandemes de ceux qui par l'aduis des Estats, n'ont aucune puissance en vostre conseil durant vostre minorité & bas aage? & qui cependant, comme effrontez, osent tourner & retourner toutes choses à leur appetit, font Edicts nouveaux, renuersent ceux qui ont legitimement esté faits & publiez par toutes les Cours des Parlemens de ce royaume, brief messent le ciel & la terre ? Et sachans bien que si le gouvernement de la Royne est entretenu (comme il sera au peril de nos vies) que tout moyen de succer le sang de vos poures suiets leur est osté, desirans aussi par ce moyen euiter la reddition du compte, auec la recision requise par les Estats des donaisons immenses (desquelles, sans l'auoir merité, se sont enrichis auec la commune ruine de tout le peuple) ils mettent tout en cofusion & defordre. Et pensent (comme ils sont abusez) sous vn faux pretexte de religion (ce qui est souvent aduenu) non seulement empescher ou retarder l'execution de la requeste si iuste desdicts Estats, mais (qui pis est) partager & buttiner vostre royaume. Ce que

nous ne pouuons & ne voulos nous viuans & respiras souffrir, pour la douce liberté de laquelle nous auons vsé sous vous, Sire, &

sous les Roys vos predecesseurs.

Que si monseigneur le Prince de Condé, auec tous vos bos & loyaux suiets, ne se fust (comme l'vn des Princes protecteurs de vostre Courone) proptement opposé à si damnables & malheureux desseins, ia la Royne fust deposee du siege qu'elle a au souuerain gouvernement de ce royaume, par le commun consentement des Princes du sang, & aduis des Estats. Que s'ils ne l'ont encores fait, voire pis (nous auos horreur d'escrire le reste) la crainte (quelque haute mine qu'ils facét) & non la volonté les en a empeschez: cognoissans (quoy qu'ils en creuét de rage) que graces à Dieu, les forces de ce royaume sont pour vous obeir sous le gouvernement de la Royne, & suffisantes pour retenir & brider du tout le cours de leurs malheureuses entreprises.

Et ne faut douter, Sire, qu'ils n'eussent vne intelligence generalle par tout vostre royaume. Car dessails auoyent enuoyé leurs Edicts sanglants en ceste Prouince: tellement que ceux qui tiennent leur party, osoyent (comme ils sont insolens & peu aduisez) ia publier que la Royne seroit bien

tost chassee, mosseur le Chancelier renuoyé à sa maison, que ceux qu'ils appellent Huguenots n'auoyét plus que dix iours à viure, que monsieur de Guyle mettroit à fin son chef d'œuute commencé à Vassy. Et n'estoyent ces propos seditieux entre le commun peuple seulement, mais en la bouche des plus grans, c'est à dire des plus mutins. Le chef & guidon desquels eston & est l'Euesque de ceste ville, qui de long temps auoit conspiré s'emparer du chasteau & forces de cestedicte ville, enroollé hommes, & fait amas de toutes fortes d'armes, munitios & prouisions à ceste fin . Et depuis peu de iours, à main armee, s'estat mis aux champs. accompagné entre autres gens de bien, de tous les seditieux, qui l'an dernier executerent les cruels meurtres és fauxbourgs sain& Ican de ceste ville, fait saccager en sa presence, voire piller les maisons des gentilshommes qui luy sont suspects, fait leuer potéces de son authorité priuce. Et comme vn Preuost des mareschaux, garni de pistolles, va de marché en marché, auec vne canaille ramassee, pour prendre prisonniers tous ceux qu'il luy plaist. Ce qu'il fit encores Samedi dernier au marché de Morfort, où luy-mesmes armé prit l'vn de vos sergés en ce pays & Comté du Maine, tat en haine de la Reli-

gion, que pour l'auoir executé de la somme de deux cens liures, pour le payemet de vos decimes. Et pour le bon mesnage & aumosnes qu'il fait en telles entreprises, estant reduict en necessité extreme, impose (comme si vous luy auiez, Sire, resigné vostre dignité royale) en ce pays tribut sur les Ecclesiastiques: continuant ce qu'il fit vn peu au paravant les Estats tenus à Orleans; par vn impost general sur tout le Clergé, contre vostre ordonnance expresse: prend à toutes mains la marchandise des poures gens, à laquelle il impose pris à son appetit. Et finalement, comme il est bon zelateur de nostre salut, & amoureux du repos de ceste patrie, fait magazin de toutes pieces d'artillerie, pour venir (comme il se vante) prescher en peu de iours ici l'Euagile à coups de canon. C'est, Sire, ce qui nous meut & contraint (apres le devoir que nous vous devons rendte) de conseruer les forces de ceste ville,

pour vous en garder l'obeissance entieres comme vous cognoissrez, Sire, plus amplement, lors qu'il plaira à vostre Maiesté bannir d'aupres de vo? & de la Royne les chess & aurheurs de telles entreprises.

Et lors, Sire, que vous, la Royne, monseigneur d'Orleans', & vostre legitime confeil approuué par les Estats, serez en liberté (c'est

à dire, lors que tous ceux de la maison de Goyse, les Conestable & Mareschal de sasse André feront retirez, pour apres rendre compte & raison de leurs saicts) nous-nous asseurons que vous iugerez, Sire, que ce que nous faisons, retenans les forces de ceste ville, pour les vous conseruer, est vne vraye & sidele obeissance que nous deuons à vostre Maiesté.

Nous supplions donc, Sire, treshumblement vostre Maiesté & celle de la Royne, de nous conseruer, à ce que le bon & loyal seruice que nous vous faisons, ne nous tourne à dommage, par les menees & entreprises de vos ennemis & les nostres, qui cerchent tous moyens de nous surcharger calomnieusement d'une infinité de blasmes. deuant vostredicte Maiesté, pour puis apres (comme ils sont insatiables en leurs cruautez) s'enyurer de nostre sang. Et ce faisant, Sire, nous supplions & supplierons Dieu à iamais, qu'il face florir & accroistre vostre regne en toute pieté & iustice. Fait au Mans le vingtneufieme iour d'Auril, mil cinq cés soixate deux, par ceux de l'Eglise reformee du pays & Comté du Maine.

DISCOVES SVE LA

DISCOVRS SVR L. liberté ou captinité du Roy.



v R les lettres patentes publices sous le nom du Roy, le huictieme du mois d'Auril, par lesquelles il est dit qu'il court vn bruit par ce

toyaume, que le Roy & la Royne sa mere sont contre leur gré detenus & emmenez là où bon semble à aucus Princes & seigneurs qui sont à l'entour de leurs Maiestez: mais que ledict bruit est vne fausse & mésongere calomnie, d'autant que leurs personnes sont en la mesme liberté qu'ils ont iamais esté: il a semblé bon d'en publier ce petit discours, afin que par iceluy les suiets du Roys'en puissent est perplexité, pour luy rendre l'obessence & perplexité, pour luy rendre l'obessence & sidelité qu'ils luy doiuent, comme bons & loyaux suiets de sa Maiesté.

Chacun scait l'entreprise qui fut faite l'hyuer passe d'enleuer de ce royaume monseigneur le Duc d'Orleans: lon scait aussi &c
par qui, & à quelle fin elle fut faite. Mais
afin que ceux qui pourroyét y auoir interest,
ne se puissent plaindre qu'on leur face tort,

nous

nous proposerons simplement le tesmoignage & deposition de mondiét seigneur Duc d'Orleans. Auquel nous-nous arresterons, sans vouloir faire presudice à son authorité: laissans à ceux qui s'en senuront offensez, s'essayer à luy deroguer soy, comme bon leur semblera. La teneur donques de

ladicte deposition est telle.

, Le Samedi, qui fut le four que le Roy ,, commença à sortir de sa chambre, apres la ,, guerison de sa maladie, Monsieur estant ,, en la chambre du Roy, vint monsieur de ,, Nemours, qui luy demanda s'il estoit Hu-,, guenot ou Papiste. A quoy Monsieur res-,, pondit qu'il estoit de la religion de sa me-", re la Royne. Lors monsieur de Nemours ,, luy dit,s'il ne luy plaisoit pas qu'il luy dist " vingteinq paroles. Monsieur respondit , que ouy. Monsieur de Nemours le tira à ,, part sus vn coffre, qui est pres de la porte ,, du cabinet du Roy. Et luy dit, Monsieur, " ie voy que le royaume de France est per-,, du & ruiné par ces Huguenots, & le Roy , & vous n'estes pas en seureré: par ce que ,, le Roy de Nauarre & le Prince de Condé "se veulent faire Roys, & feront en sorte " qu'ils ferot mourir & le Roy & vous. Par "ainsi, Monsieur, si vous voulez euiter ce ,, danger, il faut que vous y aduisiez. Et si

, vous voulez messieurs de Guyse & moy vous aiderons & vous fecourtons, & vous menuoyerons en l'orraine sou en Sauoye. Monficur respondit qu'il ne vouloir laif-, fer le Roy, ne la Royne sa mere. Mosseur ande Nemours repliqua encores à ceci: Ad-, uisez bien ce que ie vous dil: car c'est pout " vostre profit. Aquoy Monsieur ne respon-, dit rien Monsieur de Nemours luy dit, , Ne vous ficz-vous pas en Carnavallet & , Villarquier? Ouy, dit Monsieur. Lors il luy ardit, Ne leur dites pas tien de ce que ie vo? di, & de ce que le vous tien fi longuemet , propos, Mais s'ils vous demandent que s, c'est que ie vous ay dit, dites-leur que ie , vous parloye des comedies. Et lors ledict ficur de Nemours le laissa . Sur ces entiefaites, monfieur de Guyle estant deuat le , feu, qui parloit au Prince de Ginuille son , fils , voyant que monsieur de Nemours , laissoit monsieur d'Orleans, vint vers luy: , & luy dit, Mousieur i'ay entendu que la , Royne veut envoyer monsieur d'Aniou & yous en Lorraine, en vii fort beau cha-; steau pour prendre l'air. Par ainfi si vous y , voulez venir, nons vous y ferons bonne , chere. Lors Monsieur dit, le ne pense pas , que la Royne ma mere vueille que l'aban-, donne le Roy. Le Prince de Ginuille re-" pliqua, Si vous voulez venir en Lorraine,

, & entedre ce que monfieur de Nemours , vous a dit, il vous en pourra bien venir. " Monsieur ne respodit rien à cela. Le len-, demain le Prince de Ginuille réuint vers , Monsieur, & luy tint encores le mesme ; langage: luy disant, que s'il vouloit sçauoit ,, le moyé come on l'emmeneroit, il luy di-,, roit. Mofieur luy dit qu'il le voudroit bien 3, scauoir Le Prince de Ginuille luy dit On , vous enleuera en plein minuit, & on vous , fera sortir par vne fenestre qui respod sur ,, le pot du parc: & apres on vous mettra en s, coche: & ainsi vous screz en Lorraine as, uant que lon s'en apperçoiue. Mosseur ne 3, respondit rien à cela: & laissa ledict Prin-,, ce. Le lendemain monsieur de Nemours ,, s'en alla ; & vint prendre congé du Roy. , Et en prenat cogé, dit à l'oreille de Mon: ,, sieur, Souuenez-vous de ce que le vous ay ,, dit : & n'en dites rien à personne. Et ainsi s, s'en alla ledict sieur de Nemours!

Ceste conspiration ayant cu tout autre euenement que n'esperoyent ceux qui en sont nomez pour ches & autheurs: ce n'est pas de merucilles, si gens exercez de longue main au satet de la guerre, voyans qu'ils n'au uoyet rien prosité par ces embusches & eniteprises couvertes 4 & pas' mendes faires somme lon dir) par dessous terre, se sont

deliberez, comme en vn effort de ville, d'y entrer par force ouuerte, & violence manifeste. Toutesfois pour auoir (comme dit le prouerbe) vn huis de derriere, si d'auenture la secode entreprise leur succedoit aussi mal que la premiere: les seigneurs de Guyse, qui de long temps auoyent escrit à vn des plus grans Princes d'Alemagne, de ceux qui tiennent la Religion, que lon appelle des Protestans, pour le prier de vouloir entrer auec eux en quelque conference de la confession d'Ausbourg (en laquelle ils donnoyent esperace de vouloir estre instruits) s'en allerent en Lorraine, & de là à vne petite ville prochaine du Rhin, nommee Sauerne. Auguel lieu ils curet telle communication avec ledict Prince les xv. xvi. & xvii. iour de Feurier, qu'apres qu'ils eurent tous promis de suiure la Religion Euangelique, en la fin ledict sieur de Guyse, en faveur de ladicte Religion, le requist de faire tant enuers les autres Princes Protestans, que veu que de toute ancienneté la maison de Lorraine auoit esté de l'Empire, par mesme moyé luy & les freres fussent aussi aduouez pour Princes de l'Empire, ayans voix & suffrage aux iournees Imperiales: & par ce moyen le peussent soustraire & exepter de la souveraineté du Roy:offrans de souscrire

& soussigner à ladicte confession d'Ausbourg, & se mettre & enrooller au nombre des Protestans. A quoy ledict Prince voulut tellement tenir la main (esperant par ce moyen gagner les susdicts de Guyse à la Religion Euagelique) qu'il ne faillit de le proposer en vne iournee qui fut peu de temps apres tenue par plusieurs deldicts Princes Protestas, en la ville de Brouxel, sur le commencemet du mois de Mars. Et neatmoins fut refuse par les autres Princes, pour plufieurs confiderations, mais fingulierement à cause des nouvelles du massacre de Vassy: ainsi que ledict Prince l'abien expressément escrit audict sieur de Guyse : luy mandant que la compagnie auoit esté fort offensee & irritee dudict maffacre: & qu'il luy en mandast la pure verité, auec ample declaratió de son intention & volonté, sans rien feindre: car ce sont les propres termes de la lettre.

Sur ce partemet de la Cour, en attédant q l'hyuer se passatt, fur aduisé entre les susdicts sieurs de Guyle; Conestable & Marechal sainct André, que pédant leur absence chacun d'eux pratiquéroir le plus grad nombre de gentishammes & autres gens de guerre qu'il seroir possible, pour les saire trouuer en atmes à Nantheul; & és environs de Paris, sur la fin de l'hyuer, au mois de Mars. . Ceste pratique ne peut estre si secretemet conduite, que la Royne n'en fust assez tost aduertie, non seulement par aucun de ce royaume, mais aussi par aucuns Princes efrangers; qui luy sceutent tellemet definie le temps ; que mesmes ils luy predirent que c'estoit au mois de Mars que l'execution se deuoir faire. Er (qui plus est) yn gentilhomme estranger en dona si bonnes predictions au Roy de Nauarre, que mesmes il l'aduertit que lon essayeroir de le gagner, afin de s'aider de son titre & authorité pour vn temps) & en la fin se moquer de luy : de maniere que ledict fieur Roy de Nauarre le mena à la Royne pour luy faire entendre ces aduersissemes & la preserver de telles entreprises.

Or ceste pratique ayant no antmoins esté conduire pour le regard dudice sieur Roy de Navarre, ainsi comme il apleu à Dieu, ceux ausquels l'assignation, auoit esté donnee, ne faillirés de se trouver auce leurs sorces en reupeus lieu : rellement, que le Doc de Guyse arrivant à Nantheul, au temps affigné, sut incontinent reucontré par le Concession de le Duc d'Aumale, le Marchal faiuet André, & autres de leur faction entre lesquels surent les sieurs de Mezieres & de Courtenay. Desquels on peut contecturer le perilleux dessein & auantureuse entreprise,

for ce que s'acheminans au lieu de ceste affemblee, ils se mitent en estat, comme telles gens ont coustume de saire, quand ils se douent trouver en quelque bataille ou hazardeuse auanture: se confessa à va prestre, & faisans (comme lon dit) leurs Pasques, apres auoir ouy bien deuotement vne Messe.

Cependant le Preuost des Marchans de la ville de Paris (qui est l'vn des principaux ministres & instrumens de ceste faction) anoit tellement disposé les affaites, & preparé le chemin pour conduire ses troupes en la ville de Paris, que la Royne estant aduertie que la deliberation auoit esté prinse de s'y acheminer, manda par plufieurs fois audict fieur de Guyle, qu'il la vint frouver en la maison de Monceaux, où il feroit le bien venu, luy desendant tresexpressement de n'entrer en ladicte ville de Paris auec telle compagnie, afin d'euiter les troubles & inconueniens qu'elle preuovoir en deuoir aduenir : attendu melmes l'execution & boucherie faite tout fraischement en la ville de Vassy: de laquelle tresinstamment on demadoit iustice & au Roy & à elle: & n'oyoit on que plaintes & doleaces par tous les endroits de ce royaume, pour ca regard.

Insques ici donques il appert que l'entre-

prise de prédre les armes a esté faite de longue main par le Duc de Guyse, ainsi que la Royne mesme & le Roy de Nauarre ont esté aduertis; que le iou de l'assignation a esté gardé; que lon y est venu de toutes pars en armes descouvertes, & equipage de goer re : qu'au paravant ceste venue, le royaume estoit viniversellement en prosonde paix & repos: que les armes ont esté prises contre les Edicts du Roy, retenues côtre l'expresse volonté & desense plusieurs sois reiteree de la Royne: sinales ment que le dicts sinales de Guyse a fait son entre en armes descouvertes à Paris, contre les mesmes des entre se prohibitions du Roy & de la Royne sa mere.

Voyons maintenat ce qui en est aduenu. Les susdicts capitaines de ceste atmee estans à Paris, commecerent de tenir conseil comme conseil royal, y faisans assembler les presidens, conseillers, les gens du Roy, les Escheuins de la ville, tout ainsi que s'ils eussent eu la souveraineté du Roy entre leurs mais, sans toutessois que la Royne en fust aucunement aduentie, ni mesmes qu'elle eust aucune intelligence ne communication de ce qui se passoir audist conseil. Tellement que le dessein accounte le continuer le voyage qu'elle auoit entrepris en la ville de Blois, luy creut d'autant plus : afin de se

retirer en lieu où elle ne peust estre cotrainte, si d'auenture les predictions & aduertissemens qu'elle en auoit au parauant receuz,

se trouvoyent veritables.

Or sommes-nous maintenant arrivez an poin & nœud principal de ceste dispute. Car estant la Royne auec le Roy & monsieur d'Orleans ses fils, en sa maison de Fontainebleau, estant sur le chemin d'Orleans & à la poursuite de son voyage, ayant enuoyé gés à Amboise, pour luy amener à Orleans monseigneur le Duc d'Aniou son fils: n'ayant aucune force ni de pied ni de cheual , pour petite qu'elle fust : soudain arriuerent les susdits Capitaines de l'entreprise; auec vne armee de gens de cheual, & en armes descouvertes : & se planteret audit lieu de Fontainebleau, & és enuirons. le demade maintenant à ceux qui publient sous le nom du Roy les lettres patentes dont nous auons fait mention, si, Environner de pistoliers & harquebouziers vn ieune Roy de l'aage de onze à douze ans, accopagné seulement de sa mere & d'vn petit frere, n'est pas proprement ce que l'on dit en bons ter mes, Assieger le Roy: &, si ce terme ne leur semble bon, de quel titre ils se veulent aui! ser, pour nommer vn tel acte.

Toutesfois encore fommes-nous cotens

que tout cela foit estimé pour chose de nulle importance. Voyons seulement ce qui est ensuiui de ce siege de Fontainebleau. Lon sait que la Royne demeurat constamment en ceste volonté d'aller à Orleans, & voulat s'y acheminer, il luy fut faite instace & importunité, indigne de sa Maiesté, de tourner visage, & rebrousser chemin, pour aller à Melun. Lon sait qu'elle mesme remonstrat auec larmes le mauuais air & autres justes causes de son refus, elle resista longuement de partir dudit lieu de Fotainebleau : declarant qu'il n'y auoit raison de donner ceste alarme au Roy. Lon sait q le Roy se voyat ainsi enuironné de gens qui luy commandoyent, se print à plorer gradement, & protesta qu'il ne vouloit point pattir, prononcant auec larmes ces paroles : Pourquoy m'emmene-on hors d'ici, onie me trouvoye bien? Qu'est-il besoin de prendre les armes Si c'est pour la Religion, i'y mettray bon ordre quand ie seray grand. Que ne garde-on cependant les Edicts? Helas que lon ne me trouble point mon estat. Lon sait qu'apres que la Royne eur par plusieurs fois declaré rondement qu'elle ne vouloit point partir dudit lieu de Fontainebleau, ces paroles luy furent pronocees: Madame, il faut que yous y veniez; & quand yous n'y youdriez

point venir, nous serons contrains d'emmener le Roy. Lon sait, pour conclusion, que sur ce propos, & apres la resistace de la Royne, apres les larmes & gemislemés du Roy, ils sur et tous deux emmenez premieremét au chasteau de Melun, de là au chasteau de Vincennes, & finalement en la ville de Paris; ronssours enuironnez & de l'armee sufdité, & de routes les forces, tant de pied que de cheual, qui depuis y ont esté assemblees.

Sur cela que lon iuge fans passion du differet auquel nous sommes: asauoir si le Roy & la Royne sont maintenant en liberté, ou bien en captiuité : si leur volonté est libre, ou forcee: s'ils vont & seiournent au lieu gu il leur plaist, ou bien s'ils y font menez & detenus contre leur gré & volonté. Or les homes qui n'ont melmes que le lens commun, appellent, Estre en captinité, quand apres apoir esté assiegé non seulement contre son esperance & opinion, mais aussi cotre son expresse volote, par ges qui sont sans coparailon les plus forts; au lieu d'aller à un endroit, où lon protestoit vouloir aller, on est non seulement empesché d'y aller, mais aussi remené & conduit à vn chemin tout contraire: quand on est tellemet prisonnier. que lon ne peut no plus voler par dessus vn rempar de pistoliers & harquebouziers, que

par dessus vn chasteau de brique ou de pierre:bref, quand on est tellement intimidé par la crainte d'vn homme atmé, que lon n'ose declarer sa volonté, comme lon feroit

bien s'il en estoit estoigné.

Cela consideré, que lon iuge, pour le secod poict, si, publier vne telle lettre au nom du Roy, par laquelle on luy face dire qu'il n'est pas en captivité, mais en pleine & entiere liberté: faire imprimer ladite lettre, & publier à son de trompe par tout le royaume,n'est point profaner vilainement & incestucusement le nom de sa Maiesté : & le sendre contemptible & ridicule à toutes nations:au lieu qu'il deust estre tenu comme facré & auguste, pour n'en vser qu'en chose exempte (li faire se pouvoit) de toute pasfion humaine. Que lon juge si le tesmoigna ge d'vne personne que lon dit estre detenue captiue par force & violence, doit auoir aucune authorité, pour instifier le faict de ceux par lesquels on l'a dit estre detenue: principalement quad il est question de l'aage & du sexe auquel nos ennemis ont affaire. Et que ceux qui voudront attificiellemet pallier & coulorer ce faich, se souvienet tousiours de respondre à ces trois poincts: Pourquoy les sieurs de Guyse ont pris les armes dans vn royaume paifible, & plein de repos

& tranquillité: Qui sont ceux qui ont saie plorer le Roy & la Royne à Fontainebleaue Finalemét pourquoy la Royne, poursuiuat son chemin d'Orleans, & de Blois, a esté cotrainte de rebrousser chemin, auec menace que si elle ne vouloit venir, on emmeneroit le Roy.

Ceste ignominie donques que lon a faite à la Maiesté du nom du Roy, soit copree pour vne. Bien tost apres s'en est ensuiui l'autre. Car les sieurs de Guyse & ceux de leur faction, voyans q le peuple se plaignoit & lamétoit de la captiuité & oppression de fon Roy, se sont auisez fort ingenieusemer d'vne inuention toute cotraire : c'est, de publier que monsieur le Prince de Condé estoit captif en la ville d'Orleans. Et pour donner couleur & authorité à l'assemblee de la gendarmerie, se sont si vilainement iouëz du nom du Roy (comme d'vne marotte) qu'ils luy ont fait dire & publier let tres patentes en son nom, que c'estoit pour deliurer de captiuité son trescher & tresamé cousin le Prince de Condé, qu'il faisoit assembler ceste armee. Je demande à toute personne de sain iugemet, si cela n'est point souffleter le Roy: & puis luy demander. Qui t'a frappé?

Toutesfois, pour nous abstenir de toute

vehemence, & parler de cest affaire sans aucune alteration, failons simplement la conference de l'eftat du Roy que nous disons estre captif, auec l'estat de monsieur le Prince: sans que cela appartienne auconement à la Maiesté, de laquelle mosseur le Prince est treshumble seruiteur: mais pour auiser seulement auquel des deux il est plus vraysemblable que ce nom de captif peut estre attribué. Le Roy est aagé d'enuiron onze à douze ans : monsieur le Prince est. pere de cinq enfans, tous viuas. Quad les sieurs de Guyle lont venus auec leurs forces à Fontainebleau, le Roy n'auoit q sa simple garde ordinaire: quand les Princes & Seigneurs qui font à Orleans, vindrent trouver monsieur le Prince à Meaux, & ailleurs, il auoit auec foy les forces, dot il fut contraint se premunir en la ville de Paris. Tous ceux de la faction de Guysevindret tout d'une vollee & en troupe à Fotainebleau: les Seigneurs qui sont auec monsieur le Prince, le sont venus trouuer l'yn apres l'autre, & de lieux fort elcarrez. Le Roy & la Royne sa mere auoyét par plusieurs & dinerses fois comandé à tous geux qui sont à l'entour deux, de laisser les armes, & defendu tres-expressement de venir à la Cour auec main armee Monsseur le Prince, pour se guarantir de l'orage qu'il





voyoit arriver, mada & remada par plusieurs fois tat les Seigneurs qui sont auec luy, que plusieurs autres, les priant instamment de le venir trouuer bie accopagnez. Ceuxqui font pres la personne du Roy, magent son bie, & succent le peu de reste qu'il auoit en ses sinances , pour satisfaire à ses creanciers. Les Seigneurs qui sont à Orleans, y sont tous à leurs despes, & sur leurs bourses: voire mesmes quali tous les Gétilshommes qui y sont. Ceux du parti de Guyse se donent grad' peine pour faire entrer les estragiers dedans le royaume, sans auoir ni copassion du poure peuple tant attenué, ni respect au danger euident qui en peut auenir. Ceux d'Orleans protestent q quad les estragiers voudroyent venir à leur secours, ils aimeroyent mieux espargner le pays du Roy & de ses poures fuiets, q leur propre vie. Bref, ceux qui sont à Orleans, offret de quitter les armes, & prédre congé de monsieur le Prince, pour se retirer chez eux:par codition que ceux qui detiennent le Roy & la Royne sa mere, quit-. tent les armes les premiers, & leur mostrent exemple. Les sieurs de Guyle & leurs copagnons disent tous les jours en presence de tout monde, qu'ils verront plustost les cendres de tout le royaume que d'essongner la personne du Roy d'vne lieue de loin. 15 Prince

Qu'on iuge maintenant quelle apparence il y a,ou plustost quelle infamie c'est, que de vilener ainsi le nom du Roy, & luy faire dire par lettres patentes que son trescher & tresamé cousin le Prince de Condé est prisonnier à Orleans: & que pour le deliurer, il faut assembler le ban & arriereban. Mais posons le cas qu'ainsi fust. Si monsieur le Prince est detenu prisonnier, quel opprobre a on fait receuoir au Roy, & quelle iniustice a-ce esté, de declarer ledit seigneur Prince rebelle & coulpable de crime de lese Maiesté, pour n'estre point allé à la Cour, & n'auoir laissé les armes quand on luy a madé? Car en bonne dialectique, ce sont choses repugnantes:estre detenu contre son gré captif en vne ville: &, merité d'estre declaré rebelle, pour n'en point sortir.

Ces choles considerees, il est aise à conclure premierement que le Roy, la Royne sa mere, & Monseigneur d'Orleans, ont esté par vne mence conduite & dresse de longue main, saiss de force & violéce, emmenez & possedez contre leur gré & bone volonté, par ceux qui ne declarét que par trop le desir insatiable qu'ils ont de leur succeder. Secondement, que les susdictes lettres patentes, par lesquelles il est dit que le Roy est en pleine liberté, & que monsieur le Prince

Prince est captif, n'est qu'vn opprobre manifeste contre la Maieste du nom du Roy: lequel par ce moyen est laschement, vilainement & honteusement profane & exposé aux nations estranges en moqueries, diffame, & contumelie. Et qu'à ceste cause nul ne peut estre tenu ni estimé pour vray Fraçois, bon suiet & seruiteur de sa Maiesté, sinon qu'auec tous les bons & honnestes moyens qui luy seront possibles, & selon l'estat de sa vocatió, il s'employe à le remettre en pleine & entiere liberté, & deliurer son nom de l'opprobre & indignité laquelle on luy fait receuoir en ceste sienne minorité. Dont nous esperons que sa Maiefté, estant paruenue en aage, se ressentira, tat à la vengeance de ses ennemis, qu'à la iuste recognoissance de ses bons & loyaux suiets & seruiteurs.

in same of FIN and a sulum

R upoet believed acts presented acot se estédant de cor le confollo en le corsa és l'edic, qui a l'élable a

- the commons may use the characters!

EDECTION OF THE

LES MOYENS DE PAcifier le trouble qui est en ceroyaume, enuoyez, à la Royne par monssieur le Prince de Condé.



E sont les moyés qui semblent à monsieur le Prince de Condé estre necessaires (sous l'aduis & bon plaisire du Roy & de la Royne) pour pacisier le trouble qui

se voit autourd'huy en ce royaume. Lesquels ces tours passez il autoit donné charge à l'Abbé de sainct lean de Laon de saire entendre à la Royne: qu'il a bien voulu faire mettre par escrit, & signer de sa main, pour en esclarcir plus au vray sa Maiesté.

En premier lieu, ledit seigneur Prince remonstre à leurs Maiestez, qu'auparauant Pentreprise de ceux qui ont commencé à prendre les armes, & tiennent encores à present leurssites Maiestez environnees de leurssorces, tout ce royaume commençoit à iouir d'vn bon repos, pour le regard de la Religion: chacune des deux parties estimat auoir aucunement dequoy se contenter, par le moyen de l'Edict qui a esté fait en

Ianuier dernier, auecques l'auis des Princes du lang, Seigneurs du conseil, & de la plus notable copagnie des Presidens & Conseillers de toutes les Cours des Parlemens, esquelles mesmemét depuis il a esté publié: & que sans l'obseruatio d'iceluy il est impossible de maintenir vne traquillité entre les suiets du Roy : come lon voit par experience. A ceste cause, requiert ledit seigneur Prince leurs Maiestez, qu'il soit obserué, sans restriction ne modification aucune, iusques à la determination d'vn bon Concile libre, ou iusques à ce que le Roy ait attaint l'aage de comander soymesme: pour lors se soumettre à sa volonté, & receuoir son commandemét (auquel ledit seigneur Prince & ceux de sa compagnie aimeroyent mieux mourir que d'auoir failli d'obeir) & où lors sa Maieste ne trouveroit bon les laisser viure selon la Religion reformee, qu'ils tiennet, pour luy demander congé en toute humilité & suiection de se pouuoir retirer autre part.

Que les violences & outrages faits à ceux qui viuoyét sous la permissió des Edicts du Roy, depuis q les dessudits ont comencé à prédre les armes, soyét reparez d'une part & d'autre, & q iustice en soit saite: ensemble, q tout ce q a esté depuis ledit téps innoué, soit cassé & anulé. Parce q le Roy & la Royne ne

pouuoyét estre en liberté de leurs personnes & volontez, ayás autour d'eux des armes & forces, no seulemét sás leur requisitio, mais cotre leurs volontez & desenses expresses.

Et par ce que tout ainsi que l'arriuee & presence à la Cour en la façon susdite des sieurs de Guyse & des Conestable & Mareschal fainct André, & la crainte & soupçon qu'ils ont donné à vn chacun par leurs deportemens & transgression des Edicts du Roy, ont esté la seule cause du trouble que lon voit aujourd'huy par toute-la Frace:aufsi ledit seigneur Prince ne voit aucun autre moyen de pacification & tranquillité, q par leur retraite: à laquelle ledit seigneur Prince insiste, non pour estre meu d'aucune haine ou passion particuliere, ains seulement pour la liberté du Roy& de la Royne, pour maintenir l'authorité du gouuernement de ladite Dame, & l'observation des Edicts, & pour la seureté tant de luy que de ceux qui sont en sa compagnie, ensemble de tous autres qui font profession de la Religion reformee : qui autremet seroyent tousiours au melme soupçon & dager ou ils sont de present. Et à ceste occasion requiert ledit seigneur Prince, que les dessusdits sieurs de Guyle, ses freres, Conestable & Mareschal saince André posent les armes, & se retirent

12 13

en leurs maisons & gouvernemens, iusques à ce que le Roy estat hors de minorité, puisse liuger qui l'aura plus fidelement servi. S'offrat de sa part (pour obvier à ce que tels inconveniens n'arrivent durant ledit téps) faire le semblable, & faire retirer tous ceux de sa copagnie, aussi tot qu'il aura entendu que les dessudits se seront mis en devoir de leur en monstrer le chemin sans avoir esgard au degré qu'il tient en ce royaume: ayant si grand desir de le voir en repos & hors de trouble, qu'il preferera tousions particulieres; & à toutes autres choses, iusques sa sa vie propre.

Et afin que tout ce que dessus s'execute & accomplisse de bonne foy, auce pareille senreté d'une part & d'autre; ledit seigneur Prince, quant à luy, presente non seulement monsseur le Marquis de Conty son sils aisné, mais tous ses ensans entièrement, comme les plus precieux gages qui apres sa soy & sa parole le fauroyent plus seurement pleger, à la charge d'en recevoir de leur pate reciproque & mutuelle asseurer sous le son plaisit de leurs dites Maiestez.

Qui sont les plus douces & raisonnables conditions qu'iceluy seigneur Prince peut

proposer: n'ayant aucune pattialité ni diuision à desmesser auce ledit sieur de Guyse & ses freres, les Conestable & Mareschal sainct André, qu'il ne reiette & mette sous le pied, pour entendre à la conservation de l'estat, bien & repos de ce royaume, & authorité de leurs Maiestez. Et où il sauroit d'autres moyens, pour auec la seureté du Roy, de la Royne, de soymesme, & de toute sa compagnie, pacisier ce trouble (qui téd à vne maniseste ruine & subuersion d'estat) il n'eust voulu faillir à les faire entendre à leurs Maiestez, & s'y submettre de sa part.

Protestant (comme il a ordinairement protesté) que là où ils refuseront tels offres si raisonnables, la faute ne luy peut ne doit estre imputee, ni des maux & desolations qui en pourroyent ci apres à ceste occasion furuenir: mais à eux seuls, comme peres & autheurs de telles calamitez, qui seront sans excuse deuant Dieu & deuant les hommes, d'auoir mieux aimé exposer ce royaume en proye, que de rien quitter de leur passion & affectio particuliere: encores qu'ils cognoifsent bien que par telles guerres ciuiles la ruine des plus grandes Monarchies du mode s'en est ensuiuie. Et s'asseure bien ledit feigneur Prince, que la Royne est sivertueuse, & aime tant la coservation de cest estat,

& la seureté & grandeur du Roy son fils, que si elle estoit en vraye & pleine liberté, elle auroit desia fait les dessusdits obeir au commandement reiteré que sa Majesté leur a fait, au parauant qu'ils eussent pris les armes, & encores depuis, d'eux retirer en leurs gouvernemens, pour obuier aux maux qui nous menacent. Lesquels s'ils reiettent des moyens si raisonnables & necessaires, demonstrent assez n'auoir autre but que de paruenir à leurs desseins, à quelque pris que ce soit, fust auec la ruine de tout ce royaume. Et a bien voulu ledit seigneur Prince signer de sa mairi cesdits articles, tant à ce que lon cognoisse, qu'il se met en tel deuoir de pacifier ces troubles, & mettre vn repos en ce royaume, que toute personne non passionnee iugera qu'il prefere le public au particulier, qu'aussi pour le rendre inexcusable, s'il contreuenoit à ce qui y est contenu. Donné à Orleans le deuxieme iour de May, l'An de nostre Seigneur Mil cinq cens soixante deux. Ainsi signé, ginden, do as avionno, cofins, the

LOYS DE BOVRBON.

the Adam with the and the sales

alt of the tond of define the

2000 BELLEVILLE

DEVX REQVESTES

Presentees au Roy & à la Royne, par le Triumuirat.

Auec la response faite par Monseigneur le Prince de Conde.



o v s Duc de Guyfe, pair, grad Maistre & grand chabellan de France, Duc de Montmorency, pair & Conestable de France, de fainct

André, Maretchal de France : à ce qu'il foit notoire à vos Maiestez, & à tout le monde, que nos cœurs & intentions assez cognuës & declarece par toutes actios passez, & tout le cours de nos agges & vies employees & despendues non ailleurs qu'au loyal & sidele service des Maiestez de nos bons defuncts Roys (que Dieu absolue) à la conservation & augmentation de leur honneur, grandeur, estat & couronne, ne furent iamais, ne sont aujourd'huy, & ne serost (Dieu aydant) de nos vies, autres que tendans à la mesme bonne & loyale sin q dessus, & par moyés iustes, taisonables, legitimes & louables. A quoy no aus voué (apres le service

de Dieu) le demeurant de nosdictes vies, biens & fortunes.

Supplions treshumblement les Maiestez de vous, Sire, & de vous, Madame, entédre le fonds de nos intentions & pensees, que nous vous descouurons & manifestons en toute syncerité par cest escrit : ensemble les causes de nostre venue & seiour pres de vos Maiestez: & pour lesquelles nous estimons en nos loyautez & colciences (veu les estats & charges que nous auons) ne nous en pouuoir ne deuoir aucunement departir, fans encourir note & reproche perpetuelle pour nous & nostre posterité, d'estre infideles servireurs & officiers, deserteurs de l'honneur de Dieu, & du bien de son Eglise, de l'honneur, bien, salut & incolumité du Roy & de nostre patrie, & de la paix & repos de l'estat d'icelle: que nous voyos sur le poinct d'euidente & incuitable ruine, s'il n'y est promptement & fans aucun delay pourueu, par le seul remede des ordonnances que nous estimos deuoir par vos Maiestez estre faites, leellees, emologuees & appronuces tant en vostre grand conseil, qu'en la Cour de Parlement de Paris, & autres Cours de vostre royaume, telles qu'elles sont conte nues aux articles suivans, qu'en toute reue rence & humilité nous proposons.

Premierement nous estimons necessaire, non seulement pour l'acquit de nos consciences, mais pour l'acquit de la conscience du Roy, & du serment par luy fait à son sacre, pour le repos, vnion de tous ses suiets, & pour ne confondre tout ordre divin , humain & politique (de laquelle confusion depend & s'ensuit necessairement l'euersion de tous Empires, Monarchies & Republiques) Que le Roy par Edict perpetuel declare qu'il ne veut & entend authoriser, approuuer ne souffrir en son royaume aucune diuersité de religion, ni d'Eglise, predications, administrations de Sacremens, assemblees, ministeres ne Ministres Ecclesiastiques: Ains veut & entend la seule Eglise catholique, Apostolique & Romaine, receuë, tenue & approuuce de sa Maiesté, & de tous ses predecesseurs; les prelats & ministres d'icelle, predications, administrations de Sacremens d'eux & de leurs commis auoir lieu en tout son royaume & pays de son obeissance: toutes autres assemblees pour tel effect reiettees & reprouuces.

Que tous officiers de France, domefliques de sa Maiesté, & de messeigneurs ses freres & seurs, tous officiers, tant de

THE PERSONAL PROPERTY.

iudicature que de la milice, comptes & finances de ce royaume, & autres ayans charge, administrations ou commissions de sa Maiesté, tiendront & obserueront la mesme religion, & en feront expresse declaration. Et les resusans, delayans ou contreuenans, seront priuez de leurs estats & offices, gages, charges & administrations ou commissions: sans pour ce toucher à leurs biens ni à leurs personnes, sinon qu'ils fissent tumulte, sedition, monopole ou affemblees illicites.

Que tous les Prelats, beneficiers & perfonnes Ecclessastiques de ce toyaume seront semblable confession. Et les resulans ou contreuenans seront priuez du temporel de leurs benefices: qui sera regi sous la main du Roy, & gens de bien & de bonne religion, commis à l'administration d'iceux par les superieurs, & ceux à qui il appartient y pouruoir. Les quels, selon qu'ils verront estre à faire, les priueront du titre, & pouruoiront d'autres en leur lieu, par les voyes deuës & legitimes.

Que toutes les Eglises violees, desmolies & spoliees en ce royaume, au grand mespris de Dieu & de son Eglise, du Roy, ses

Appe la l'arces en mai ces à allement parie de signe s'ils de l'arante pout l'i ordonnances & Edicts, tant anciens que modernes (qui tous ont prohibé tels facrileges fur peine de la vie) (oyer reintegrez, reparez & restituez entiertement en leur premier estat & deu, & les interests satisfaits de tous les dommages soussetts: & les delinquans infracteurs des Edicts violez & spoliateurs, punis comme il appartient.

Que les armes prinses en ce royaume par quelque personne que ce soit, pour quelque couleur, raison ou occasion que ce puisse estre, soyet laisses & ostees par ceux qui les ont prinses, sans expres commandement du Roy de Nauarre, Lieutenant general de sa Maiesté, & representant sa personne en tous ses royaumes & pays de son obeissance. Et ceux qui se sont ainsi armez, & perseuerent encores à present, declarez rebelles & ennemis du Roy & du royaume.

"Qu'audict Roy de Nauarre seul (comme Lieutenant general de sa Maiesté, & representant sa personne) & à qui de par luy sera ordonné & commis, soit loisible auoir & assembler forces en cedict royaume, pour l'execution & obseruatió des choses dessurdictes, & autres qui pourront estre aduisees, pour le bien du Roy & de son royaume.

Que les forces ia commécees à assembler par ledict seigneur Roy de Nauarre, pour le feruice de sadice Maiesté, pour les essects que desses, soyent maintenues & entretenues so' son authorité pour quelques mois. Dedás lequel temps on espere, si c'est le bon plaisse de vos Maiestez, voir le sruict des remedes que desses le repos de ce royaume.

Les autres prouisions necessaires & requises tendans au bien & repos de ceroyaume, qui pourroyét estre ici par nous omis, soyent prinses & suppleées du conseil & aduis qui fut donné par la Cour de Parlemét à Parisslors que dernieremét vous enuoyastes verselle le sieur d'Auanson, pour auoir son auis sur les remedes qui luy sembloyent conuenables, pour pouruoir aux troubles de ce royaume, & sur ce que ladicte Cour y pourta presentement adjouster.

Ces choses faites & accomplies entierement, comme dessus (sans lesquelles nous tenos ce royaume ruiné) nos sommes prests de nous en aller chacun non seulement en nos maisons, s'il nous est commandé & ordonné, mais au bout du mode (si beson est) en exil perpetuel: apres auoir eu contentement en nostre ame, d'auoir rendu à Dicu, à nostre Roy, à nostre patrie, & à nos consciences, l'honneur & service, l'amour & charité & tout autre sidele office que nous leur deuons, en si grand & euident, si important & notable peril & necessité. Pour ausquels obuier nous sommes prests de sacrifier, & vouër nos vies, & tout ce que no auons de cher & precieux en ce monde. Ce que nous signifions à vosdictes Maiestez, & au Roy de Nauarre, tant pour nous en estre tesmoins & iuges, que pour mettre aux inconueniens que vous voyez les remedes dessuidicts, que nous estimons estre tresnecessaires & seuls convenables: afin qu'il vous plaise en declarer vostre volonté & resolution.

Protestans deuant Dieu & vos Maiestez, que la nostre telle que dessus, ne tend qu'au bien & falut du Roy & de son royaume : & que nous estimons que ceux qui l'auront en recommandation, ne se pourront esloigner des choses ci dessus recordees & remonstrees en cest escrit: que nous auons signé de nos mains, pour l'acquit de nos consciences, & nostre descharge enuers Dieu, vos Maiestez & tout le monde à l'aduenir, Fait à Paris ce quatrieme iour de May, l'an mil cinq cens soixante deux. Signé

François de Lorraine, de Montmorency, Sainct André.

Structure & research, so is ל לב תויום בילו במלכל בילו יביקיום החווף " demonstrate of concests (in concests (in))





ADAME, outre le contenu en l'escrit que nous auons ce iourd'huy presenté à vostre Maiesté, & lequel nous entendons & esperós (auec

voître congé & bonne licence) faire manifester & publier par toute la Chrestienté: afin de donner plus d'occasson à vos Maiestez de s'asseurer que nous desirons soumettre nos opinions au iugemet de vostre Maiessé, & du Roy de Nauarre, & cercher toute pacification pour ce royaume. Apres qu'il vous a pleu nous declarer que le Roy, ne vous, ne nous commaderiez iamais de nous retirer de vostre Cour.

Moyennant que ceux d'Orleans se desarment, & que les pays, villes & places de ce royaume rendent entiere obeissance à vos Maiestez, & que tous facent serment d'obeir au Roy (comme à leur souverain & naturel seigneur) & à tous les Edics & ordonances qui sont la & pourront et apres estre faits par sa Maiesté, par l'aduis de son coseil,

& emologuez par sa Cour de Parlement de Paris: demourans les forces entre les mains du Roy de Nauarre, Lieutenant general du Roy, & representat sa personne, en tel nombre, telles, & pour tel temps qu'il sera aduisé estre necessaire. Sans & auparauat l'accomplissement desquelles choses nous estimons en nos loyautez & consciences (pour les estats & charges que nous auons) ne nous pouuoir ne deuoir departir de vostre Cour & suitte, sans encourir note & reproche perpetuelle pour nous & nostre posterité, d'eltre infideles serviteurs & officiers, deferteurs de l'honneur, bien, incolumité & falut du Roy & de son royaume, de nostre patrie, & de la paix & repos de toº les estats d'icelle : que nous voyons sur le poinct d'euidéte & ineuitable ruine, s'il n'y est promptement & sans aucun delay pourueu.

Nous offrons de nous retirer chacun en l'vne de nos maisons, pour obeir au Roy de Nauarre, en tout ce qu'il nous sera comandé. Durat la quelle nostre absence, tant s'en saut (Madame) que nous destrons ne requerons de monsieur le Prince de Condé semblable retraite, en l'yne de ses maisons, que nous souhaitos sa presence pres de vos Maistrez: & vous supplios l'en vouloir au plustos approcher; & retirer hors du lieu & constituer.

compagnic où il est: ne pouvans ne voulans esperer d'vn tel Prince que chose digne du sang d'où il est issu. Fair à Paris le quarrieme de May, l'an mil cinq cens soixate deux.

Signé, François de Lorraine, de Montmorency, Sainet André.



RESPONSE FAITE PAR Monseigneur le Prince de Conde, à la requeste presente e par le Triumnirat.



Ncores que par plusieurs escrits qui ont esté publiez, & autres moyens, l'aye assez emplement deduit les causes qui m'ont meu à prédie

les armes, & auec quelles códitions i estoye prest à les laisser & me tirer en ma maison: toutessois il n'a esté possible de retirer de ceux qui tiennent le Roy & la Royne en leur puissance, autres paroles que comminatoires, pleines de reproches & de menacres. Et mesmes du commencement que ie sua Orleans, auant qu'auoir entédu ce que ie vouloye dire, enuoyerent ici des lettres & des commandemens si rigoureux, & en

termes li outrageux, comme s'ils eussent eu affaire à des larros de campagne, & voleurs publiques. Et ayans cognu que ie ne tenoye compte de leur indiscrete façon de faire, & que leurs choleres & arrifices ne me pouuoyét diverrir du chemin que i'auoye commencé de tenir (qui estout de continuer en ma demande iuste & raisonnable, & qui n'est fondee sur ma passion, sur mon profit, ni fur mon ambition : ains fur le zele que i'ay & doy auoir à la liberté du Roy & de la Royne, & au bien & repos de ses suiets) ils se sont aduisez de presenter à leurs Maiestez vn escrit, qu'ils appellent vne Requeste, en toute humilité & reuerece. Mais fans la regarder de pres, & ne faire que passer par desfus, lon iugera que c'est vn arrest, & non pas vne requeste. C'est vne deliberation coclue & arrestee par les trois requerans, qui sont le Duc de Guyle, Conestable, & le Mareschal saince André, auec le Legar, le Nuce du Pape,& l'Ambassadeur des estrangers. Et ceux qui depuis six mois ont prins garde à leurs pratiques & menees, pourront resmoigner, & auec verité, que ceste conclusion a esté fondee, non pas fur le zele de la foy & de la Religion, mais sur la finesse, artifice & ambition desdicts trois requerans. Lesquels se voyans hors de la Cour, non pour desplaisir

qu'ils y eussent receu, mais par ce q de tout temps ils n'ont peu endurer vn Prince du sang aupres des Roys, & aussi qu'ils voyoyét bien que la Royne tendoit plus au profit du Roy & soulagemet du peuple, qu'à les contenter,ou (pour mieux dire) à saouler leur auarice ia cognue & detestee d'vn chacun: ils se rallierent ensemble, & cercherent vn moyen de reuenir en leur grandeur, & reprendre l'authorité de comander plus grande qu'ils n'eurent iamais. Et sçachans bien qu'ils ne pouuoyent attendre aucun secours. ni du peuple ni de la noblesse, & que tout honeste pretexte, tous moyes, toutes faueurs & affistance des suiets du Roy leur defaudroyent (tant ils se sont bien portez du téps qu'ils ont gouverné) ils fonderent leur defsein sur la religion, esperans que les prestres & ceux qui en depédent, & ont quelque interest auec cest ordre, leur donneroyent secours de gens & d'argent. Et pour s'asseurer de la victoire, appellerent à leur pratique les estrangers. (Et cela se verra, & sera quelque iour iugé, afin que ceux qui viennent apres nous, y prénent exéple.) Et ainsi preparez & appuyez sur folles & vaines esperaces, concluret d'appeller tous leurs amis: comme ils ont fait de tous les endroits de ce royaume, qui toutesfois ne se sont pas trouvez en grad

H.ii.

nombre. Conclurent de venir trouver le Roy & la Royne en tel equipage, qu'il n'y auroit personne qui ofast contredire à leurs commademens. Et pour mieux s'asseurer de pouvoir longuement regner, firent vn roolle de ceux qui deuoyent mourir, & de ceux qui deuoyent estre bannis, & d'vne infinité d'autres, qui denoyent estre desmis de leurs estats, & priuez de leurs biens . Au premier rang estoit monficur le Chancelier, & plusieurs bons personnages du conseil priué, & autres tenans lieux honorables aupres de leurs Maiestez. Les homes estoyent la choifis & eleus, pour tenir la place de ceux qui seroyent ou meurtris ou exilez. Et Dieu a voula qu'ils ont monstré leur bon iugemet, par les six qu'ils ont eleu du conseil priué, en. lieu des six qu'ils vouloyet chasser. La comparaison des vns aux autres est telle, que les enfans sont contraints d'en faire des chansons. La Royne deuoit estre enuoyee à Chenoccau, s'occuper à faire des iardins. Monsieur le Prince de la Rochesurion, Prince du lang, lage & vertueux, deuoit estre estoigné du Roy, & le lieu qu'il tient, donné & assigné à autres, qui instruiroyet la ieunesse de sa Maiesté à n'our iamais parler de Dieu ni de ce qui peut nourrir son esprit, qui de soy est enclin à toutes choses bonnes, sain-

ctes & louables. Et encores moins l'instruiroit-on d'entédre luy-melmes à ses affaires. & se seruir des hommes pour ministres, & non pas pour maistres, doner audience à vn chacun, honorer sa noblesse, aimer les armes pour la necessité, tenir la main à la Iuflice, soulager son peuple, & singulierement fauoriser les poures, & les garder de toute oppression & violence: & sur tout de n'admettre iamais pres de luy vne idole, c'est asfauoir homme qui face le Roy, & qui fous pretexte ou d'amitié ou de longue servitude vsurpe son authorité sur ses suiets. C'est la nourriture que la Royne a baillee à nostre Roy, & qui desplaist à ces seigneurs: qui desirent le former à leur façon, & en faire vn Roy qui sçache bien baller, picquer vn cheual, porter bien la lance, faire l'amour, aimer (comme lon dit) plus la femme de son voifin que la sienne, & au reste qu'il soit ignorant. Car il n'appartient pas à vn Roy(ce disent-ils) de sçauoir quelque chose. Qu'il tiene sa reputation auec vne grade grauité, à l'endroit des poures gens qui ont affaire à luy: qu'il agradisse ses serviteurs, & remette fur eux tous ses affaires & le gouvernement de son royaume : qu'il ne donne audience à personne, qu'il ne voye iamais lettres, ne qu'il en signe aucune de sa main, afin qu'il

H.iii.

ne puisse descouurir les troperies qui se font fous fon cachet: qu'il ne tienne compte que de trois ou quatre choisis par luy, qui s'entrebattent à qui sera le premier, & qui aura plus de moyen de piller: qu'il soit prodigue pour ses fauoris, chiche & mechanique pour to' les autres:qu'il soit cruel enuers son peuple, qu'il le despouille de toute sa substance: que les estats de iudicature soyent vendus à deniers comptans, & à leur profit, & qu'ils foyet baillez és mains d'hommes ignoras, auares & ennemis de la iustice. Et en fin, que la maison du Roy soit triomphate en vanité & superfluité d'habillemens, de dorures, & vn receptacle de gens de mauuaise vie. le ne di point ceci sans cause : & chacun peut entendre ce que ie veux dire, & la Royne en scait des nouvelles. Ces seigneurs donc qui presenter ceste requeste, ont fait ceste belle ligue plus dommageable & pernicieuse à ce royaume, & plus sanguinaire, q ne fut celle de Sylla, celle de Cælar, & depuis, celle du Triumuirat de Rome: & l'auroyent desia executee, n'eust esté la grace que Dieu m'a faite à leur resister. Et m'esbahy qu'ils soyét tant asseurez en leurs visages, de tenir deuat la Royne le propos qu'ils tiennent. Encores plo suis-ie esbahi de ladicte Dame, qui a parience de les escouter:attendu que dés qu'ils

comenceret à faire leurs mences, elle en fut aduertie, & a sceu iour pour iour ce qu'ils ont fait, & ont voulu faire. Et à ceste heure elle prend leurs bonnes paroles, tout ainsi comme si elle n'auoit esté informee de leur intention. En quoy elle mostre bien qu'elle est vrayement prisonniere, & plus que prisonniere. Car d'vn acte si malheureux, & qui meriteroit vne vengeance publique, & duquel elle a esté pleinemet informee, elle fait semblant de ne l'auoir iamais sceu ni pensé. Et sans la peur qu'elle a d'estre estranglee en fon lict (comme lon la fait menacer tous les iours, & de ce ie m'en rapporte à son sermet) elle n'eust pas failli de reietter leur requeste, & leur reprocher q pour leur auarice & ambition ils sont cause de tout le trouble. Et puis que le danger où elle est presentement, empesche qu'elle ne peut ni ose recognoistre le faict comme il est, & respodre à ceux qui par belles paroles luy veulet desguiser les matieres: ie suis cotraint, pour soustenir l'authorité du Roy & la sienne, respondre à leur demande & au nom de leurs Maiestez : de la liberté desquels ie me suis rendu l'vn des defenseurs. Esperant que si lesdicts requerans ne veulent recognoistre leur faute, Dieu m'assistera & fauorisera la bonne intention qu'il m'a donnee: & que H.iiii.

tous les bos suicts du Roy se ioindront aucc moy pour desiurer ce poure royaume des mains de ceux qui le veulent tyrannsser.

Au commencement de leur escrit, pour donér lustre, & auctoriser leur dire, ils mettent leurs qualitez: ils mentionnent fort honorablement leurs grans & loyaux services, & veulent que de leurs actions passes, lon puisse juger de leur cœur & de leur intétió.

Mais il n'estoit besoin de faire vn si beau commécement (selon leur aduis) pour faire vne si mauuaise fin . Car quand ils seroyent encores plus gras qu'ils ne sont, quand leurs services seroyent dignes de plus grande recommandation qu'ils ne disent, encores ne s'ensuivroit-il pas que leur faute, qui est presente & si grande & si apparente, deust estre couverte, & encores moins acceptee pour œuure bone & raisonnable. Et si quelques vns d'entre eux ont fait des services (comme certes ie cofesseray tousiours) si ne faut-il pas que s'ils n'en ont esté recompensez, ils le veulent estre à present par la ruine du Roy & de tout son royaume. Mais graces à Dieu, ils sont sibons peres de samille tous trois, & aimans tant leur profit, qu'ils n'ont si longuement attendu à demader & en prendre la recompense: Tesmoin deux cens cinquante mille liures de rente, & vn

-MILE FE

million d'or en meubles qu'ils possedet auiourd'huy plus de ce que leurs peres leur ont delassé:outre trois cens mille liures de rente que les leurs tiennent du bien de l'Eglise. Et s'ils ne se cotentent des biens & des honeurs qu'ils ont receu des predecesseurs Roys, & que pour respondre à leur naturel il faille nombrer parmi les droits de recompense quelques vengeances particulieres:en cest endroit ont-ils esté assez satisfaits. Et qu'il leur souvienne de tant de bons & notables personnages qui furent emprisonnez fans charges ni informations, à leur requeste,tant de charitez qu'ils ont prestees à plusieurs bons seruiteurs du Roy, tant de maifons perdues, & honorables familles appouries durant les regnes des Roys, François premier, Henry, & François fecod. De forte qu'ils se sont ay dez de la faueur de leurs Maiestez, non seulement à s'agrandir & enrichir, mais à appourir les autres, & se venger de leurs haines particulieres. Et s'ilsveulent que leur intention soit (comme ils difent) cognue de leurs actions passees, il sera facile de juger que leur dessein est rel, que tous les bons suiets & servireurs du Roy s'y doiuent opposer, & auecques toutes leurs forces y relilter.

Ils disent par-apres, qu'il faut craindre vne

cuidéte & incuitable ruine, si par eux n'y est promptement remedié. Et à ces fins presentent des articles auec toute humilité & reuerence. Mais qui leur demanderoit qui est cause de ceste ruine, & qui l'a cerchee & pro curee : s'ils vouloyent dire la verité, ils seroyet cotraints de reietter la coulpe sur euxmesmes. Car apres la publication de l'Edict de lanuier il y auoit paix & vnion vniuerselle par tout ce royaume. Et ne sauroyent nier les deux (c'est asauoir le Conestable & le Mareschal sain& André) que tant qu'ils eurent opinion que ceux de la Religion reformee ne se contenteroyent de l'ordonance qui avoit esté faite, ils firent semblant de la trouuer bonne, & de l'approuuer: iureret entre les mains de la Royne (aussi fit le Roy de Nauarre, & tous les autres du conseil) de la faire maintenir en leurs gouvernemens, & de ne parler d'y dispenser, ou faire cotreuenir, pour vne part ou pour l'autre. Mais quand ils virent q ceux de ladite Religion auoyent promptement obey aux commandemens du Roy, ils essayerent de susciter l'autre partie. Et toutesfois ils eurent si peu de suite, qu'ils ne trouverent personne pour leur seruir de ministres que le Preuost des marchans, Marcel, & dix ou douze crocheteurs. Tellement que le Duc de Guyse fut

contraint d'y mettre la main luy-mesmes à Vassy, & tailler en pieces ce poure peuple faisant leurs prieres. Le Conestable n'ayant peu surprendre l'Eglise de Paris, espandit sa cholere sur les chaires des predicans, & sur les maisons où les assemblees se faisoyent, qu'il fit brusser, & voler quelques maisons de ceux de ladite Religion. Et ne se faut esbahir si lon a prins la reuange sur les images en plusieurs endroits de ce royaume. Parquoy s'ils estiment que la division du peuple soit la ruine qu'ils disent estre si euidente, ils en sont les autheurs : & pour tels doiuent estre cognus & blasmez. Et quant à l'humilité & la reuerence qu'ils presentent an Roy & à la Royne, encores n'ay-ie point veu qu'ils ayent obey à commadement qui leur ait esté fait de la part de ladite Dame. Mais ie say bien qu'ils ont tous trois refusé d'aller en leurs gouuernemens: ie say bien qu'ils n'ont voulu venir à Moceaux, come ie fey moy, quad la Royne le nous comanda.

Ils font venus armez à Paris, contre son commandement: ils n'en ont voulu sortir, quelque priete qui leur en air esté faire. Et i'en suis sorti pour obeir à la voloté de leurs Maiestez. Ils sont allez trouuer le Roy & la Royne en copagnie armee: côbien que cela leur cust esté expressement desendu. Ils les

ont tirez de Fótainebleau, & les ont menez à Melun, & de Melun à Paris : & le tout par force. Et de ce ie m'en rapporte à la coscience de la Royne, & à son serment, ou à sa parole, quand elle sera en sa liberté d'en pouuoir dire ce qui en est. Ils aimet mieux veoir vne guerre ciuile en ce royaume, voire iufques à y faire venir les estrangers, plustost que de consentir qu'ils se retirent en leurs maisons, sans diminution de leurs biens ni de leurs estats. Voyla la reuerence & humilité de ceux qui presentent ladite requeste. Voyla le zele qu'ils ont à l'incolumité du Roy, comme ils disent. Lequel ils aiment tant & honorent, que plustost que d'aller en leurs maisons, ils aiment mieux veoir son royaume en danger d'vne ruine qu'ils disent euidente & ineuitable. Voila l'amour qu'ils portent àleur patrie: en laquelle ils appellent les armes estrangeres pour la piller, & (si Dieu n'y met la main) l'assuiettir & la ruiner du tout.

Ils demandent puis apres yn Edict perpetuel sur le faict de la Religió. Et quad nous auons demandé l'entretenement de celuy qui a esté fait, iusques à la maiorité du Roy, ils ont dit que c'estoit yne demande inciuile & destaisonnable: que c'est au Roy, quad bon luy semble de changer, limiter, amplier

& restreindre ses Edicts. Et qu'en luy demandant que ce qui ia est ordonné par luy & son conseil, soit gardé & entretenu, pendant sa minorité, nous voulons tenir sa Maiesté en prison & captiuité. Et toutesfois ils veulent que l'Edict qu'ils ont fait eux trois, soit perpetuel & irreuocable. Et si la raison qu'ils alleguent contre nous, doit estre receuë, par icelle mesme nous coclurons aussi qu'ils veulent eux-mesmes tenir le Roy pri sonnier en sa minorité & en sa maiorité. Et faut bien dire qu'ils estiment pouvoir maistrifer & commander, non seulement à la personne du Roy, mais entierement à tout le royaume: puis qu'en chose de si grande importance, & qui attire auecques foy tant d'inconueniens, ils osent presenter vne ordonnance qui n'est authorisee que de trois. Que feirent iamais dauantage Auguste, Marc Antoine & Lepide, quand par leur Triumuirat meschant & infame ils subuertirent les loix & la Republique Romaine? S'ils eussent esté meus de bon zele (comme ils disent) pacifique, & non seditieux, d'vn zele de Religion, & non d'ambition : ils ne eussent pas commécé par l'execution, comme ils ont fait : ils fussent venus sans armes, ils se fussent presentez auec humilité & reuerence, ils cussent remonstré les causes qui

les mouuoyent à ne trouver bon l'Edict de Ianuier, ils eussent supplié treshumblement le Roy & la Royne de regarder auecques leur coseil, auecques l'aduis des Parlemes, & des autres estats, si par autre moyen on pourroit remedier aux troubles à la conseruation de l'honneur de Dieu, & de la seureté & grandeur du Roy & de ce royaume. Parlans ainsi, ils cussent monstré qu'ils n'estoyent guidez d'autre passion que du zele de leurs cosciences. Mais leur façon de faire descouure assez que la Religion leur sert pour auoir suite, & mettre divorce entre les fuiets du Roy: & auec vne part, coniointe auec les estrangers, se rendre maistres & seigneurs de tout. Aufquels ie suis contraint de dire que les Princes du sang (desquels ils ont esté de tout temps ennemis, & les ont reculez autant qu'ils ont peu) n'endureront point que les estrangers, & ceux qui ne sont appellez au gouuernement, se messent de faire des Edicts & des ordonaces en ce royaume. Or ils veulent & demadent que l'Eglise Romaine (qu'ils appellent Catholique & Apostolique) ait lieu , & soit seulement recognue en France: & à ceux de la Religio reformee soyent defendus les presches & Jes Sacremens. C'est vn Duc de Guyse, Prince estrager, vn sieur de Montmorency,

& vn sieur de sainct André, qui font vne or donnance contre l'Edict de lanuier, accordé par le Roy, & la Royne sa mere, le Roy de Nauarre, les Princes du fang, auecques le coseil du Roy, & quarante des plus grads & notables personnages de tous les Parlemens. Ce sont trois qui font vne ordonnance contre la requeste presentee par les Estats, c'est asauoir la noblesse le tiers estat, à Orleans, & depuis à sainct Germain. Lesquels deux Estats requirent qu'il plust au Roy bailler temples à ceux de ladite Religion reformee. Ce sont trois qui font vne ordonnance qui ne peut estre executee sans vne guerre ciuile, sans mettre le royaume en danger d'vne euidéte ruine. Et eux-mesmes le voyent, & le confessent. Et voila coment ce royaume leur est obligé, & quel fruict apporte leur sauoir & leur bon zele, ou (pour mieux dire) leurs pratiques, leurs menees & ambirion de commander.

Le Duc de Guyle & les freres, faisans ceste entreprinse de dechasser ceux de la Religió reformée, quelque bon zele qu'ils pretendent auoir, ne sauroyent nier que volontairement ils ne cerchent troubler & mettre en danger ce royaume: avans veu ce q pour séblable dessein leur succeda si malbeureusemét en Escosse, Auquel pays l'vne part &

l'autre viuoyent en paix sous l'obeissance de ceste bonne & vertueuse Princesse la Royne douairiere : iusques à ce que par l'authorité desdits de Guyse fut publié que le Roy n'entendoit permettre qu'autre religion fust receuë audit pays que celle de l'Eglise Romaine. Qui fut cause que quelque perit nombre de gens de basse condition s'esleucrent,& prindrent les armes:qui furent en peu d'heure separez par la prudence de ladite Dame, & l'aide de la Noblesse. Et deuoit ce commencement seruit d'admonestement audit de Guyse, du danger qu'il y auoit de plus grans troubles, s'ils ne se desistovent de leur entreprinse. A quoy toutesfois ils ne voulurent entendre: ains (au contraire) plus eschauffez que iamais, escriuirent à ladite Dame des lettres fort rigoureuses, en la taxant d'auoir vsé de trop de douceur, & principalemet en la cause de la Religion: & que pour corriger les fautes passes, il estoit necessaire de mettre la main au sang , & sur les principaux. Et pour ce faict enuoyerent deuers elle l'Euesque d'Amies, & le sieur de la Brosse. Lesquels pour se mostrer à leur arriuee bons catholiques Romains, voulurent contraindre vn chacun d'aller à la Messe reprochoyent souvet à ladite Dame, & au sieur d'Oysel, qu'ils auoyet

tout

tout gasté:publierent leur dessein, qui estoit d'vser de la force. L'Euesque d'Amiens, come Legat du Pape, attendant les bulles de sa legatió, promettoit de reduire la pluspart de ceux qu'il disoit foruoyez. Le sieur de la Broffe promettoit en vn mois exterminer ceux qui ne voudroyet revenir. Et pour autant que l'avarice est tousours accopagnee de la cruauté, ils regarderent de bon œil les terres & possessions de la noblesse : escriuil rent à ceux qui les auoyent envoyez, qu'en rendant le peuple taillable, & faifant mourir les gentils-hommes qui auoyent fuiui la Religion reformee, il y audit moven d'augmenter le reuenu du Roy de deux cens mil escus par an, & de pouruoir mil gentils-homes Fraçois & de maisons & de biens, pour y demourer continuellement; & y feruir come pour vne gendarmerie ordinaire. Ceste condition fut volontiers receue & embraffee auec grandes louanges, de ceux qui en estoyent les autheurs. Et quelque remonstrance que ladire Dame & le sieur d'Oysel sceussent faite, q les Escossois n'estoyent pas aisez à dompter : que si lon les vouloit contraindre pour le faict de la Religion, ils se mettroyent és mains des estragers: auecques l'aide desquels, pour s'asseurer du tout, ils dechasseroyent entieremet le nom & obeis-

I.i.

sance de l'Eglise Romaine : & que de là on mettroit en danger l'estat & ce qui appartenoit à l'authorité du Roy & de la Royne. Tout cela fut reietté. La Royne estoit vne bonne femme ; mais elle auoit tout gasté. Le sieur d'Oysel estoit vn sot, & n'auoit point d'entendement : par ce qu'il ne vouloit perdre ce qu'il avoit par son labeur & par la diligence, si longuement & fidelemet gardé. En fin, ces mellieurs (qui sont fi clair voyans) besongnerent si bien par leurs discours, que les plus grans & la pluspart de la noblesse s'esteueret, & prindrent les armes, s'accopagnerent de leurs anciens, & (comme par maniere de dire) naturels ennemis, & en peu de temps dechasser tous les prestres : qui toutesfois eussent vescu & continué leur estat, s'ils se fussent youlu contenter d'vne paix commune entre les vns & les autres. Tellement que & le nom de Guyse & le nom de l'Eglise Romaine sut renuoyé deçà la mer. Et ainsi ceux-la qui auoyent, voulu tout avoir, perdirent le tout. De cest exemple le deuoyet seruir le Duc de Guyse & ses freres, & recognoistre la faute qu'ils auoyent faite, de mettre en dager ce royaume d'Escosse: devoyent s'abstenir de ces paroles qu'ils ont si souvet redites & publices: Qu'il faut que l'vne des deux Religions soit

dechassee de ce royaume, & que les vns cedent aux autres. Ce ne sont point paroles de suiers ou seruiteurs : ce sont paroles d'vn Roy en sa maiorité, & qui fust conseillé non seulement de son conseil ordinaire, mais des plus sages & des plus aduisez des trois Estats de ce royaume. Car là où il est question de diminuer la force d'vn Roy, & de la moitié (pour le moins) de sa noblesse & du peuple qui est de service, il ne faut pas y aller si sommairemet: tat par ce qu'il n'y a Roy qui ne sentist aussi viuement telle perte, comme si on luy tailloit la moitié des membres de son propre corps, qu'aussi pour le dager qu'il y auroit (au moins en ce téps) que nostre Roy pour sa ieunesse ne comande qu'à l'opinion & à l'appetit d'autruy, que ceste moitié se voyant persecutee, en lieu de s'en aller ne voulust chasser l'autre. Et quant à ce qui cocerne le faict de la Religion Romaine, ceux qui veulent auec les armes la rendre seule en ce royaume; la mettent en danger de la faire diminuer tous les iours, puis qu'ils la remettét à la force & à la protection des armes. Et eust mieux valu côtenîr les vns & les autres en paix & vnió, & ne disputer de ces matieres qu'aueale papier & le parchemin, & no auec les meurtres & effusió de ság: q (peut estre) autóttellemét irri-

Lii.

té Dieu, & appellé sa vengeace, que les pre-Ares & ceux de leur ordre (qui pouuoyent viure en repos en leurs charges, & iouissace de leurs biens) seront les premiers à porter le hazard & le danger de l'indiscretion, & (qui pis est) de la fureur du peuple. Et quoy qu'il en soit, la protection de ces messieurs les requerans ne leur peut apporter qu'vne certaine perte & le danger d'vne grade ruine: Car puis qu'ils estoyent asseurez de n'eftre molestez de leurs vies, en leurs charges ni en leurs biens, ils ne pourroyet dire qu'ils eussent occasion aucune de se plaindre: s'ils ne veulent faire semblant d'auoir en pitié de la perte de nos ames. Mais qui les en auroit rendus si soigneux depuis quelque temps, attendu qu'il n'y a Euesque ni curé qui puisse monstrer en auoir tenu aucun cote par ci deuant? Puis donc que de nostre part estoit resolu qu'on ne leur donneroit aucun empeschement ; quel besoin estoitil de les nommer en ceste querelle, & se couurir de leur nom & de l'Eglise Romaine? N'est-ce pas pour irriter & acharner les vos contre les autres ? N'est-ce pas le moyen de rendre odieux cest ordre à tout le peuple, qui en estoit ia par trop offese? Nestce pas pour attirer, si Dieu n'y met la main, parmi ceux qui viuoyent en paix, vne mel-

me haine enragee comme celle d'Escosses Et quelque choso qui en aduienne, puis qu'il faut que l'vne des deux parts soit exterminee, & que les requerans le veuler ainfi : aduint-il iamais en ce royaume vn si piteux spectacle que cestuy-la ? Y a-il profir, y a-il commodité, y a-il grandeur (quad ce seroit pour le Roy mesmes) qu'on deust acheter si cherement, & auec vne si grande ruine & desolation? Quels pardons, quelles indulgences, quelles bulles du Pape pourrontiamais reparer la perte du sang qui sera respadu pour ceste querelle? Ces trois requerans pourront dire au Roy quelque iour, q pour defendre ce que personne ne vouloit impugner, pour conseruer la Religion Romaine (à laquelle personne ne vouloit donner empeschement) ils ont fait ou voulu faire perdre la moitié de sa noblesse & des meilleurs suiets de sa Maiesté. Lon leur pourra, & aucc la verité, reprocher que tout ainsi que par leurs opinions feintes & simulées ils mirent le royaume d'Escosse en danger d'vne euidente ruine, & furent cause d'vne grande & piteuse effusion de sang : auec la melme opinion, le mesme dessein, & les mesmes ministres, ils ont espandu la pomme de discorde parmi ce royaume, & tellement incité les vis contre les autres, que Liii.

ces trois requerans & leurs ministres seront remarquez à la posterité, pour seuls autheurs de tous les maux & incoueniés qui adviendront à ceux de la Religion reformee & de

l'Eglise Romaine. Or de peur de n'exciter affez de troubles, ils demandent que tous officiers, soyent domestiques, soyent d'ordonnance, de iudicature, de finaces; & autres ayans administration ou commission, & pareillement les Pre lats Ecclesiastiques feront cofession de leur foy: & les dilayans ou refusans serot priuez de leurs estats & de leurs pensions, & les gés d'Eglise de leurs benefices. Ce sont trois personnes priuees qui font vne loy contre les loix de ce royaume. Car il ne fut iamais veu ni entendu que les Roys predecesseurs avent contraint leurs suiets à faire confession de foy autre que celle du Symbole. C'est vne loy cotre les loix Ecclesiastiques. l'enten les loix Ecclesiastiques à leur façon, prinses des Conciles & de ceux qu'ils approuuent anciens peres. Et ce monsieur qui leur a dicté la requeste, & qui est si sauant, pour pallier son mauuais dessein, en deuoit amener quelque exemple:ce qu'il ne sauroit faire, s'il ne veut apporter en ce royaume l'inquisition d'Espagne. Laquelle a esté iugee si inique de toutes les autres nations,

qu'il n'en y a pas vne qui l'ait voulu accepter. Et pour en dire ce qui en est, ceste loy est la ratoire qu'ils auoyet tendue à Orleans peu auant la mort du Roy François dernier decodé: & laquelle ne peut tendre qu'à la ruine & entiere subuersion de tous les suiets du Roy. Car lesdicts requerans sauent bien qu'il y a dix mil gentils-homes, & cent mil homes aptes à porter les armes, qui n'abandonneront ni par-authorité, ni par force la Religion qu'ils ont prinse: n'endurerot qu'on leur ofte les presches, ni l'administration des Sacremens. Et estant le Roy mineur , comme il est , il n'appartient à personne de leur commander à vuider le royaume: & se defendront auecques les armes contre ceux qui en cest endroit voudront abuser de l'authorité de sa Maiesté. Ceste grade & notable compagnie ne peut estre vaincue ni dessaite, quand bien il aduiedroit (ce que Dieu ne vueille) fans la ruine de ceux qui les auroyent assaillis. Tellement que les estrangers que la ils ont appellez (qui est crime capital & de lese Maiesté) rapporteront le fruict de cefte guerre ciuile. Et pour coclusion, parlant comme ie fay & pour moy & pour beaucoup de grans Seigneurs de ce royaume, & pour dix mil gétils homes, & autres de nostre suite, qui voulos

viure & mourir sur ceste querelles ie di que ladite ordonnance a esté faite par trois personnes princes, qui de leur authorité ont cas sé celles qui ont esté faites par le Roy & son conseil. Er pour l'executer ; avant que la consulter, ont prins les armes, & le sont saisiz de la personne du Roy. Ie di dauantage, que ladite ordonnance est contre les loix de ce royaume, la coustume de toute la Chrestienté, contre l'Edict de Januier, contre la requeste des Estats ; contre le repos & la seureté des surets du Roy, & contre la conscience, l'honneut, la vie & les biens d'vn grand & infini nombre de gens de bien, & lesquels ont rasché de ruiner, de faire moutir les vns & dechasser les autres, sous le manteau & la converture de la conscience & de la Religion. Ceste ordonance aussi est faite contre la liberté d'aller au Cocile. Et de co, se deuoit auiser celuy qui les a conseillez. Car s'il est dit qu'en ce royaume on face cofession de foy telle qu'ils demandent, & declaration de retenir & conserver & la doctrine & les ceremonies de l'Eglise Romaine , c'est vne sentence donce contre ceux de l'Eglise reformee. Et ne faut plus q nos Ministres ni ceux des autres nations aillent au Concile, puis qu'ils sont condamnez sans les auoir ouys. Et auat que ledit Duc de

Guyle & le Cardinal fon frere puissent mettre en auant ceste ordonnance de faire confession de foy, il faut qu'ils renocent à plusieurs articles de la confession d'Auguste; qu'ils ont accordez à Sauerne, & promis à vo grand Prince d'Allemagne de les faire obseruer en France. Ers'ils disent le cotraire, qu'ils le mettet par escrit: & leur sera respodu par ceux à qui ils ont fait la promesse. Il faut aussi que ledict Cardinal declare par escrit qui soit veu & publié, s'il persiste en ce qu'il a autresfois dit à la Royne, en presence de beaucoup de gens de bien; touchant les articles de la transsubstantiation, de garder & porter le fainct Sacrement, de la iustification, de l'inuocation des saincts, du purgatoire, & des images. Desquels arricles il en parloit contre l'opinion de son Eglise Catholique, Apostolique, & Romaine.

En la requeste est peu apres faite métion de la rupture des images. Et est requis par ceux qui l'ont presentee, que les dommages soyent restaurez, & les delinquans chastiez. Sur quoy ie respondray ce mor, que le sang de ceux qui ont rompu lésdictes images ; & qui a esté espandu par quelques vna des nos stres, qui les ont voulu reprimer; & depuis par authorité de justice, en ce mesme lieu d'Orleans, tesmoignera tousours deuant

Dieu & deuant les hommes combien ces executios faites par vn populace m'ont esté desplaisantes, pour beaucoup de respects: & singulierement par ce que c'estoit contreuenir à l'Edict de Ianuier, & aussi à l'association que nous auions fait publier quelques iours deuant. Mais si la rupture des images merite punition, comme i'en suis bien d'aduis (d'autant qu'elle est faite cotre l'ordonnance du Roy) quelle punition se promettent ceux qui s'accoustrent si bien du nom du Roy, des meurtres, qui par eux mesmes & à leur exemple & sollicitation ont esté faits à Vassy, à Sens, à Castel-nau d'Arry, & à Angers? Esquels lieux on sçait bien qu'il y en a eu cinq cens hommes ou femmes tuez, non pour autre occasion que pour la Religion. Celuy qui a dicté la requeste, deuoit examiner sa coscience, & recognoistre qu'il ne se trouue pas q l'image morte ait iamais crié vengeance : mais le sang de l'home (qui est l'image viue de Dieu) la demade au ciel, & l'attire & fait venir, quoy qu'il tarde.

Requierent puis apres les requerans, ou (pour mieux dire) les commadeurs, que les armes soyét ostees à ceux qui ne les ont pries par expres commandement du Roy de Nauarre: & que ceux qui se sont ains armez, soyent declarez rebelles & ennemis du

Roy & du royaume. Or ie demaderoye volontiers à ces seigneurs qui se disent si sages, & tant amis du repos public, si leur requeste. ne tendoit pas à tailler toute esperance d'accord, puis qu'ils requierer que moy & ceux qui sont auec moy, soyent declarez rebelles & ennemis du Roy & du royaume. Car ils ne disent pas que ceux qui ne voudrot laisfer les armes, mais ils disent, ceux qui se sont ainsi armez, soyent declarez rebelles. Qui est vn article qui merite autre response que par escrit. Et l'espere dans peu de jours de les aller trouuer, & disputer par les armes auec eux:s'il appartient à vn estrager & deux petis compagnons tels que ceux-la juger vn Prince du sang & les deux parts de la noblesse de ce royaume, rebelles & ennemis du Roy. Et ne faut point qu'ils mettent en auant le nom du Roy de Nauarre: duquel ils ont esté à tout iamais ennemis capitaux, du temps des autres Roys : Ils l'ont reculé & tenu en arriere autant qu'il leur a cité possible, voire insques à ne vouloir faire mention de luy ni de ses droices, quandil a esté question de faire quelque traité de paix. Ils ne içauroyent dite qu'il ait eu iamais chose qu'il ait demandee, soit pour luy ou pour autruy. Ils ne sçauroyent dire qu'on ne luy ait ofté en toutes occasions le lieu

qui luy appartenoit à commander, soit en temps de guerre ou en téps de paix. Et pour l'acheuer du tout, du temps du Roy Fraçois dernier decedé, ils l'ont tenu en moindre rang que s'il eust esté le plus poure gentilhomme de ce royaume. Et puis le firent venir par menaces : empescherent qu'homme n'ofast sortir d'Orleans, pour aller au deuat de luy: defendirét à tous Cheualiers de l'ordre & autres gétilshommes de le visiter, ne communiquer aucunement auec luy: ennoverent vn Mareschal de France auec cauallerie & gens de pied, pour saisir tous ses pays, & appellerent au butin les estrangers, comme tout le monde sçait bien. Et voyans leur dessein interrompu par la mort dudict feu Roy François, lon sçait quels coseils furent tenus pour s'en desfaire du tout:resisterent tousiours à ce qu'il n'eust aucune authorité de commader. Ledict de Guyse, par le conseil du Conestable, dist il y a vn an, qu'à la priere ni au commandement du Roy de Nauarre il ne se retireroit de la Cour. Le Mareschal de sainct André en plein conseil luy dist, l'obeiray au Roy & à la Royne, & non à autre. Et à ceste heure ils se veulent aider du nom du Roy de Nauatre, qu'ils ont si malheureusement traité par le passe: & veulent se seruir de son nom pour ruiner son propre frere. Et d'autant que ledict seigneur Roy de Nauarre estoit autat aimé qu'il en sut aimais, ils mettent peine de le faire hair à la plus grad' part de la Noblesse du peuple: esperans que s'ils peuuent du tout le distraire de l'amour de ceux qui si longuement & si sidelement l'ont aimé, ils aurot moyen de le mespriser & mal traiter, comme ils ont sait par ci deuant. Mais la tromperie auec laquelle ils ont cuidé paruenir à leur dessein, a esté cognue & descouverte; & sera bien tost publice par toute la Chrestienté, à la honte & consusion de ceux qui en ont esté les ministres.

Sur ce qu'ils demandent que le Roy de Nauarre assemble des sorces pour executer les choses susdictes, ils monstrent assez ou vue grande imprudence, ou vu grand destre qu'il n'y ait point d'accord entre nous. Car puis qu'ils ont deliberé auec les armes contraindre ceux de la Religion resormee à ce qu'ils demadent, ils ne deuvyent pas le dire insques à ce que nous eussions esté desarrez. Et puis qu'ils nous ont si ouvertement fait entendre leur dessein, nous-nous garderons d'estre trompez, & de laisser les ar-

mes qu'auec bonnes enseignes.

Requierent dauantage, que lon prenne quelques autres articles qui seront baillez

par la Cour de Parlemet de Paris. Et en cela ils mostrent le peu de conte qu'ils tiennent & de la Royne & du Roy de Nauarre, & du coseil du Roy. Et m'esbahy qu'au moins ils n'ont eu respect aux six grans & sçauans personnages qu'ils ont mis au conseil : desquels lon pourroit bien tirer quelque bon & notable aduettissement. Et ne fay aucun doute qu'audict Parlemet n'y ait beaucoup de gens de bien, & qui en vertu, en sçauoir & en preudhommie representent l'ancienne integrité de ce Senat. Mais les trois requerans y ont donné si bon ordre, que par benefices, par offices vendus, & autres à demi donnez, & par autres moyens illicites & indignes d'estre endurez en ce royaume, ils en ont acquis vn tel nombre à leur deuotion, que les bons sont bien souvét surmontez par les mauuais. Et de ce suffira alleguer que la legation a esté refusee par deux fois sujuat l'Edict fait & arresté à la requeste des Estats, publié & emologué par toutes les Cours de ce royaume: & (qui plus est) leur refus estoit fondé sur le deuoir de leurs cosciences, & de la coscience du Roy. Et toutesfois sans attendre autre iussion que d'yne simple lettre du cachet, ils l'ont approuuce & receuë par la sollicitatió & mences de ces trois, & de leurs ministres. Voila l'esperan-

ce que nous auos d'y trouuer yn bon aduis. Par yn memoire presenté auec la requeste ils requierent que les villes soyent remises entre les mains du Roy, auec nouueau serment de fidelité. Et voudroyent volontiers (comme ils ont fait du temps du Roy François dernier decedé) persuader au monde, que ceux qui ne veulent porter leur tyrannie, sont ennemis du Roy. Il deuoit suffire au Duc de Guyse & à ses freres, qu'ils se soyer vne fois aidez de ceste finesse, au grad desplaisir de beaucoup de gens de bien: quand pour se desendre de ceux qui leur vouloyent mal, ils couuroyent leur querelle de celle du Roy. Si quelcun par iniure particuliere ou publique estoit seulement souspeçonné d'auoir mal parlé d'aucun d'eux,il estoit emprisonné, persecuté, & par lettres! patétes declaré ennemi du Roy & de l'estat. Et pour autant que ceste belle inuétion leur a succedé vne fois, & s'en sussent bie mieux aidez, fi Dieun'y cust mis la main, ils y voudroyent encores reuenir. Et combien qu'il: n'y ait auiourd'huy homme en ce royaume (au moins de ceux qui sont de nostre part) qui ne soit prest d'exposer & la vie & les biens pour le seruice de nostre Roy: toutesfois ils nous disent rebelles. Il n'y en a poit de nostre part (& Dieu en est tesmoin).

qui ne hazardast volontiers sa vie, pour preserver de mal & d'incovenient celle de noftre Prince, que nous aimons vniquement, & honorons comme pour vn fingulier & precieux don que Dieu nous a fait. Il n'en y a point d'entre nous qui ait prins les armes pour demander quelque chose que ce soit au Roy ni à la Royne sa mere, ni au Roy de Nauarre. Nous ne demandons point autre Roy, autre Prince que celuy qui est nostre naturel seigneur. Nous ne demadons point auoir sa personne en main, ni l'authorité de le gouverner. Nous ne luy demandons point diminution de tailles, de subsides, & des droicts qui luy appartiennent : mais, aucontraire, les nostres n'ont iamais murmuré, quelque charge qui leur ait esté impofee. Et ont offert, & offrent encore; d'accorder liberalemet tout ce qu'il luy plaira leur demander, autant que leurs biens & leurs facultez se pourront estendre. Les villes qu'on dit estre rebelles ; n'ont point changé de maistre ni de seigneur: recognoissent ple que iamais l'obeiffance qu'elles doiuet à nostre Roy. Et que lon voye la response qu'elles ont fait ; lon trouvera que les armes ne font pas leuces contre le Roy. Plustost mourir que d'y anoir pense. Lon trouvera que nous n'auons requis chose qui concerne la

personne, l'authorité, le gouvernement ni la vie de sa Maiesté. Lon trouvera que les armes sont prises contre la maison de Guyse, Conestable & Mareschal sainct André: & encores c'est auec telle modestie, que nous ne demandons leurs biens, leurs vies, ni leurs estats. Parquoy celuy qui voudra dire que nous portons les armes contre le Roy (comme ils voudroyent faire entédre) il faudra qu'il confesse qu'il est calomniateur, ou bien qu'il voudroit les aider à vsurper ce royaume, & prédre le nom & les effects de Roy. Et ceux qui conseilleront au Roy de prendre leur protection, & de leur prester le nom, les gens & l'arget, tout ainsi que si nous faisions la guerre à sa Maiesté: tels conseillers serot (quoy qu'il tarde) quelque iour appellez en iugement: & faudra qu'ils rendent raison comment ils ont peu conioindre la querelle de trois particuliers auec celle de sa Maiesté, & de tout le royaume. Il faudra qu'ils rendent compte de l'argent qui aura esté despédu en ceste guerre, contre les ordonnances des Estats du conseil du Roy, pour defendre le bon plaisir de

re qu'en fin la guerre aura esté faire à leurs despens, & des principaux autheurs. Sur les biens desquels ie preten prédre ce qui aura esté despendu, & le remettre au thresor du Roy, au soulagement du poure peuple.

Pour la fin & cóclusion de la requeste, ils protestent que si lon execute entieremet ce qu'ils veulent, ils sont prests de se retirer en leurs maisons, voire (si besoin est) d'aller à la fin du monde. Tellement que nous sçauons à present à quel temps nous pouvos esperer qu'ils se rettretont Ce sera (disent-ils) quand ces choses susdictes seror faites, accomplies, & executees : C'est à dire, quand l'Edict de lanuier sera par leur authorité cassé : quand par leur ordonnance tous les Ministres seront dechassez : quand ceux de la Religion reformee ne pourrot ouir fermon, ni prendre Sacrement que de ceux de l'Eglife Romaine:quand tous ceux de ladicte Religion ferot priuez de leurs estats, de leurs charges & de leurs offices, & auffi despouillez, & renuoyez en leurs mailons, expolez à la fureur de ceux qui les vondront manger: & auec la liberté de leur faire perdre la vie, s'ils font aucun scandale: entendant scandale (come ils ont fait par le passe, & ainsi a esté sugé)n'aller point à la messe, s'assembler les voisins les vns auec les autres, pour prier

Dieu: (voyla qu'ils appellent scadale) quad nous letos declarez rebelles, & ennemis du Roy & de son royaume pour auoir prins les armes: & quand on les nous aura oftees, & que personne n'en pourra auoir que pour executer leur ordonnance. Voila les conditions que nous pouuons attendre de ces messieurs. Voila le plus honneste dessein où ils tendent. Et se gardent bien de dire à quel poinct ils cuider par apres paruenir. Or soit ma demade rapportee & mise en parragon auec la leur. le demande l'entretenemet de l'Edict de Ianuier: & ils veulent de leur authorité le casser & abolir. Ils demandent la ruine d'une infinité de maisons, tant de la noblesse que du tiers estat : ie demande & desire que tous les suiets du Roy, de quelque qualité qu'ils soyent, soyent maintenus & gardez en leurs estats, en leurs biens, & preseruez de toute iniure & violence. Ils veulér exterminer tous ceux de la Religion reformee: & ie desire que nous soyons reservez au temps que le Roy sera en sa maiorité, auquel temps nous obeirons à ce qu'il luy plaira nous commander: & ce pendant que ceux de l'Eglise Romaine ne soyent

ter ce qu'ils ont entreptins: & ne regardent pas qu'ils contraindront vne infinité de gés de bien à se defendre. Ils ne regardent pas le peu de moyen qu'on a de despendre, ne les incommoditez & ruines que la guerre ciuile apporte. Et (qui pis est) ils ont appellé, & se sont signez, à faire venir les armes e-strangeres: qui est à dire en bon langage, mettre en proye ce royaume. Au contraire, ie ne demande point que les armes me demeurent en main, ie n'employe point l'argent du Roy, ie n'appelle point les estrangers pour venir en ce royaume: & en ay refulé de ceux qui m'ont esté presentez: & Dieu en est resmoin. Je les ay priez de n'y venir point, & d'empescher qu'autres n'y vinstent pour moy ou contre moy: & demande & requier (comme i'ay fait par ci deuat) que les armes soyent posees tant d'vn costé que d'autre, me faisant fort que de nostre costé il n'y aura ni rebellion ni desobeissance : & que les armes n'autont iamais tant de force ni de vigueur en nostre endroit, que l'amout, la fidelité & obeissance que nous devons à nostre Roy, pour lequel nous ne ferons iamais difficulté d'exposer nos biens & nos vies. Et auons fait cognoiftre que nous ne sommes pas des gueux, comme lon disoit: & que nous auos plus de

moyen & de force en main pour luy faire service à son besoin; que n'ont auec toute leur suite & praticques, ceux qui nous veulent exterminer. Ils demandent que nous foyons declarez rebelles, demandent nos vies, nos honneurs, & nos cosciences. Nous ne demandons rien qui soit de leur vie, de leur bien, ni de leurs consciences: ni leur fouhaitons autre mal, finon celuy auquel nous voulons nous-mesmes nous obliger: qui est qu'eux & nous, no? retirions en nos maisons: Le tout suiuant les coditions plus amplement deduites en nos declarations & protestations ci deuant faites & enuoyees au Roy & à la Royne. Et ne faut point que ils dient que leur honneur y seroit interesse. Car puis que nous acceptons la mesme condition, il n'y a point de lieu de se plaindre ni douloir. Nostre demande est iuste, d'autant qu'ils sont venus (comme plusieurs fois a esté dit) vers leur Roy autrement qu'ils ne deuoyent, & auec des desseins qui ont esté cause des troubles que nousvoyos à present: & ont demandé & requis la ruine de tant de gens de bien. Que quad bien nostre demade no Carole Chia Carl

qui sont de telle qualité & de telle sorce, que ceux-la mesmes qui les vouloyent dechasser, recognoissent & confessent auiourd'huy qu'il n'y a ordre de les assaillit, encores moins de les vaincre, sans l'aide des e-

Arangers. Or encores qu'il n'y ait aucune comparaison de l'vne à l'autre requeste, d'autant que l'vne est pleine de iustice & d'equité, l'autre d'iniustice, de tyrannie & de cruauté: & que ceux qui presentent celle qui est sanguinaire & violente, veulent, pour leur plaisir, & pour paruenir à leurs desseins, trou bler ce royaume : les autres ne demandent qu'va commun repos & tranquillité, & ne prenent les armes que par cotrainte, & pour defendre leurs vies, leur honneur, leur conscience: La Royne peut iuger laquelle des deux requeltes doit estre accordee ou reiettee. Et là où pour n'estre en liberté (comme elle n'est à present)ou bien pour quelque autre respect, elle n'en pourroit decider, & ne voudroit mal contenter ceux qui les ont presentees: il luy plaira, pour mettre fin à ces troubles, ordonner que lesdites deux requestes soyent enregistrees en la Cour de Parlement de Paris. Que l'Edict de lauier soit entretenu, & que les vns & autres posent les armes, se retirent en leurs maisons, ius-

ques au temps que le Roy sera en sa maiorité, pour juger qui a bien fait ou mal fait. Ou bien que la Royne en vueille decider auec l'aduis des Estats, qui à ces fins serons conuoquez. Ce remede est commun à tous, & personne ne s'en peut plaindre ni douloir: & d'execution si prompte & facile, que celuy qui ne voudra s'y accorder, ne pourra nier qu'il ne soit ennemi du Roy & de son royaume. Et ne doit-on point penser qu'il y ait homme au monde (s'il n'est mené de quelque affection particuliere) qui ne condamne tous ceux qui auecques si peu de cho se ont peu & n'ont voulu esteindre ce feu & la flamme qui nous menace de rat de maux & inconueniens. Pourra aussi iuger vn chacun qui est le rebelle & ennemy du Roy, ou celuy qui offre laisser les armes, & se retirer en sa maison: on celuy qui veut tout perdre plustost que de lascher la proye qu'il a faite de la personne du Roy. Et pour autant que de toute guerre ciuile lon ne peut attendre qu'vne fin calamiteuse, & qu'il est malaisé de contenir les mains & la volonté des soldats qui sont irritez contre cour qui

mon fang ie voudroye pouuoir empescher les miserables effects dot la guerre nous menace. Mais puis que lon n'a tenu compte de ma demande, puis que mes parties veulent estre mes iuges, & commandent auiourd'huy sous le nom & authorité du Roy : ie proteste donques que mon intention ne tend sinon à mettre le Roy en telle liberté qu'il estoit il y a six mois, à remettre le gouuernement és mains de la Royne, auecques l'assistance du Roy de Nauarre: comme il a esté dit par les Estats : & contenir & preseruer la noblesse & le peuple de toute tyrannie & oppression de ceux qui ne sont appelez à leur commander. Et que de tout ceste entreprinse ie n'atten ni veux attendre (& plustost mourir) aucun profit particulier, ni aucun dessein qui tende à l'auatice & ambition.

Mais veux rapporter toutes mes actions, & la grace que Dieu me fera, à l'honneur de Dieu, au feruice du Roy, & au repos & foulagement de tous ses suiets. Fait à Orleans le dixneusseme iour de may, Mil cinq cens soixante deux. Ainsi signé,

20, 250 mm of 11 for 19 and 19 may now the section 20 and 19 may now the section and the section 2000 and 19 may now the secti

LOYS DE BOYRBON.